



李太白文集卷之十一

錢塘 王琦琢崖輯註

燭葆光較復曾宗武

古近體詩共三十二首

贈王判官時余歸隱居廬山屏風疊

一統志屏風疊在廬

山自五老峰而下九疊如屏游宦紀聞九疊屏風之下舊有太白書堂有詩曰吾非濟代人且

隱屏

風疊

昔別黃鶴樓蹉跎淮海秋俱飄零落葉各散洞庭流
中年不相見蹭蹬遊吳越何處我思君天台綠蘿月
會稽風月好却遶剡溪回雲山海上出人物鏡中來

一度浙江北十年醉楚臺荆門倒屈宋梁苑傾鄒枚

苦笑我誇誕知音安在哉大盜割鴻溝如風掃秋葉

吾非濟代人且隱屏風疊中夜天中望憶君思見君

明朝拂衣去永與海鷗群

黃鶴樓見八卷註隋書揚州於禹貢爲淮海之地說

文躡躑失道也方輿勝覽天台山在台州天台縣西

一百十里藝文類聚名山畧記曰天台山在剡縣卽

是衆聖所降葛仙公山也世說註會稽郡記曰會稽

郡多名山水峯嶸降峻吐納雲霧松栝楓栢摧幹竦

條潭壑鏡徹清流瀉注王子敬見之曰山水之美使

人應接不暇太平寰宇記剡溪在越州剡縣南一百

五十步一源出台州天台縣一源山婺州武義縣卽

王子猷雪夜訪戴逵之所也一名戴溪初學記輿地

志曰山陰南湖縈帶郊郭白水翠巖互相映發若鏡

若圖故王逸少目山陰路上行如在鏡中遊夢梁錄

浙江在杭州東南謂之錢塘江丙有浙山正居江中

潮水投山下曲折而行楚臺楚地之臺若章華陽雲

之類荆門謂荆州之地唐時為江陵郡今湖廣之荆
州府是也其地有荆門山故文士取以為稱梁苑古
睢陽之地唐時為宋州睢陽郡之宋城縣今河南歸
德州是也其地漢梁孝王之苑園在焉故文士以梁
苑稱之屈原宋玉皆生於荆州鄒陽枚乘皆客梁孝
王引此以喻當時兩州之文士大盜指安祿山史記
項羽乃與漢王約中分天下割鴻溝而西者為漢鴻
溝而東者為楚應劭曰在滎陽東南二十里文穎曰
於滎陽下引河東南為鴻溝以通宋鄭陳蔡曹衛與
濟汝淮泗會於楚即今官渡水也十六國春秋盪平
殘胡如風掃葉海鷗用列子事見
二卷註○踏音寸 墜音鄧剌音閃

在水軍宴贈幕府諸侍御

永王軍中○漢書莫

軍職在征行無常處所在為治故言莫府也或
曰衛青征匈奴絕大莫大克獲帝就拜大將軍
於幕府中故曰莫府莫府之名始於此也顏師
古曰二說皆非也幕府者以軍幕為義古字通
單用耳軍旅無常居止故以帳幕言之廉頗李
牧市租皆入幕府此則非因衛青始有其號

月化五白

一作百非

龍翻飛凌九天胡沙驚北海電掃洛

陽川虜箭雨宮闕皇輿成播遷英王受廟畧秉鉞清

南邊雲旗卷海雪金戟羅江烟聚散百萬人弛張在

一賢霜臺降群彥水國奉戎旃繡服開宴語天人借

樓船如登黃金臺遙謁紫霞仙卷身編蓬下冥機四

十年寧知草間人腰下有龍泉浮雲在一決誓欲清

幽燕願與四座公靜談金匱篇齊心戴朝恩不惜微

軀捐所冀旄頭滅功成追魯連

十六國春秋慕容熙建始元年太史丞梁

延年夢月化為五白龍夢中占之曰月臣也龍君也

月化為龍當有臣為君者後漢書電掃群孽風行巴梁楚辭恐皇輿之敗績王逸諱皇后也輿君之所乘十六國春秋華夏大亂皇輿播遷梁書大齊聖王之

恩規上黨英王之然諾隋書親承廟畧遠振國威趙
次公杜詩註兵謀謂之廟畧蓋謀於七廟之中也詩
商頌有虔秉鉞東京賦雲旗拂霓薛綜註熊虎爲旗
其高至雲故曰雲旗也禮記一張一弛文武之道也
漢書百萬之衆不如一賢霜臺御史臺也御史爲風
霜之任故曰霜臺顏延年詩水國周地險謝朓辭隨
王歲契闢戎旃從容讌語李周翰註戎兵也旃旂也
陳子昂詩昔君事胡馬予得奉戎旃國語飲酒宴語
相親也天人邯鄲淳美曹植語見五卷註樓船見四
卷註太平御覽燕昭王爲郭隗築臺今在幽州燕王
故城中土人呼爲賢士臺亦謂之招賢臺又謂之黃
金臺東方朔非有先生論積土爲室編蓬爲戶越絕
書歐冶子干將鑿茨山洩其溪取鐵英作爲鐵劍三
枚一曰龍淵二曰太阿三曰工布龍泉卽龍淵也唐
人避高祖諱改稱龍淵曰龍泉莊子說劍篇上决浮
雲下絕地紀史記紬史記石室金匱之書索隱曰石
室金匱皆國家藏書之處隋書經籍志有太公金匱
二卷後漢書蒙被朝恩負荷重任陸機詩不惜微軀
退漢書昂曰髦頭胡星也追魯連言將如魯
連功成身退不受爵賜而去也詳見二卷註

贈武十七諤

并序

門人武諤深於義

一作詩

者也質木沉悍慕要離之

風潛釣川海不數數於世間事聞中原作難西來

訪余余愛子伯禽在魯許將冒胡兵以致之酒酣

感激援筆而贈

馬如一匹練明日過吳門乃是要離客西來欲報恩

笑開燕七首拂拭竟無言狄犬吠清洛天津成塞垣

愛子隔東魯空悲斷腸猿林回棄白壁千里阻同奔

君爲我致之輕齋涉淮源精誠合天道不媿遠遊

一作

鄧文類聚韓詩外傳曰諤回望吳門焉見一匹
攸魂練孔子曰馬也然則馬之光景一匹長耳故後

人呼馬爲一匹要離事見五卷註史記燕太子丹預
求天下之利匕首說文赤狄本犬種元和郡縣志洛
水在河南府洛陽縣西南三里西自苑內上陽之南
彌漫東流宇文愷作斜堤束令東北流潘岳藉田賦
清洛濁渠引流激水天津洛水浮橋名已見二卷註
後漢書天設山河秦築長城漢起塞垣所以別內外
異殊俗也鮑照詩追虜窮塞垣張銑註塞垣長城也
庾信五張寺經藏碑昔爲畿服今成塞垣世說桓公
入蜀至三峽中部伍中有得猿子者其母緣岸哀號
行百餘里不去遂跳上船至便卽絕破視其腹中腸
皆寸寸斷公聞之怒命黜其人莊子林回棄千金之
璧負赤子而趨或曰爲其布歟赤子之布寡矣爲其
累歟赤子之累多矣棄千金之璧負赤子而趨何也
林回曰彼以利合此以天屬也陸德明音義林回司
馬云殷之逃民之姓名廣韻齋裝也王篇齋行道所
用也通志地理畧淮水源在唐州桐栢縣河南志淮
瀆在南陽府桐栢縣西二十五里源出胎簪山流經
息陽確山真陽息縣固始會沂泗東人於海晉書鄧
攸沒於石勒石勒過泗水攸乃斫壞車以牛馬負妻
子而逃又遇賊掠其牛馬步走擔其兒及其弟子綏

度不能兩全乃謂其妻曰吾弟早亡惟有一息理不可絕止應自棄我兒耳幸而得存我後當有子妻泣而從之其後妻不復孕卒以無嗣時人義而哀之爲之語曰天道無知使鄧伯道無兒

贈閻邱宿松

唐時舒州有宿松縣屬淮南道

阮籍爲太守乘驢上東平剖竹十日間一朝風化清
偶來拂衣去誰測主人情夫子理宿松浮雲知古城

掃地物莽然秋來百草生飛鳥還舊巢遷人返躬耕

何慙宓子賤不減陶淵明吾知千載後却掩一賢名

世說註文士傳曰阮藉放誕有傲世情不樂仕宦晉文帝親愛藉恒與談戲任其所欲不迫以職事藉常從容言曰平生常游東平樂其上風願得爲東平太守文帝悅從其意藉便騎驢徑到郡皆壞府舍諸壁鄆使內外相望教令清寧十餘日便復騎驢去謝靈運詩剖竹守滄海李善註漢書曰初與郡守爲竹使

符說文曰符信剖置以竹分而復合呂延濟註凡爲
大守皆剖竹使符也家語宓不齊字子賤仕爲單父
宰有才智仁愛百姓不忍欺孔子美之南史陶潛字
淵明爲鎮軍建威參軍謂親朋曰聊欲絃歌以爲三
徑之資可乎執事者聞之以爲彭澤令不以家累自
隨公田悉令吏種秫稻妻子固請種粳乃使二頃五
十畝種秫五十畝種粳○宓
當作處音服讀作宓音者非

獄中上崔相渙

舊唐書崔渙傳天寶十五載七月京宗幸蜀渙迎謁於路抗詞

忠懇皆究理體玄宗嘉之以爲得渙晚卽日拜
黃門侍郎同中書門下平章事扈從成都肅宗
靈武卽位八月與左相韋見素同平章事房琯
崔圓同賫冊赴行在時未復京師舉選路絕詔
渙充江淮宣慰選補使以收遺逸惑於聽受爲
下吏所嚮濫進者非一以不稱職聞乃罷知政
事除左散騎常侍兼餘杭
太守江東採訪防御使

胡馬渡洛水血流征戰場千門閉秋景萬姓危朝霜

賢相燮元氣再欣海縣康台庭有夔龍列宿粲成行

羽翼三元聖發輝兩太陽應念覆盆下雪泣拜天光

說文燮和也書周官論道經邦燮理陰陽十六國春

秋海縣分裂天光分耀傅玄詩繁星依青天列宿自

成行李周翰註列宿二十八宿也六韜王者帥師必

有股肱羽翼以成神威元聖大聖也書湯誥聿求元

聖三元聖謂玄宗肅宗廣平王也兩太陽亦謂玄宗

肅宗也抱朴子是責三光不照覆盆之內也呂氏春

秋吳起雪泣而應之高誘註雪拭也漢書夫日者衆

陽之宗天光之貴東京賦登天光於扶桑呂向註天

光日也

中丞宋公以吳兵三千赴河南軍次尋陽脫余

之囚參謀幕府因贈之舊唐書天寶十五載六月以監察御史宋若思

為御史中丞即其人也脫太白囚執事詳見二

十六卷及三十一卷中唐時潯陽郡又謂之江

州隸江
南西道

獨坐清天下專征出海隅九江皆渡虎三郡盡還珠

組練明秋浦樓船入郢都風高初選將月滿欲平胡

殺氣橫千里軍聲動九區白猿慙劍術黃石借兵符

戎虜行當剪鯨鯢立可誅自憐非劇孟何以佐良圖

獨坐謂御史中丞與司隸校尉尚書令會同得專席
而坐也詳見十卷註後漢書范滂為清詔使登車攬
轡慨然有澄清天下之志春秋元命苞賜弓矢得專
征賜斧鉞得誅白虎通好惡無私執意不傾賜以弓
矢使得專征後漢書宋均遷九江太守郡多虎暴數
為民患常募設檻穽而猶多傷害均到下記屬縣曰
夫虎豹在山窟鼯在水各有所托今為民害咎在殘
吏而勞動張捕非憂恤之本也其務退奸貪思進忠
善可一去檻穽除削課制其後傳言虎相與東游渡
江孟嘗遷合浦太守郡不產穀實而海出珠寶與交

趾比境常通商販買糴糧食先時宰守並多貪穢詭
 人採求不知紀極珠遂漸徙於交趾郡界於是行旅
 不至人物無資貧者死餓於道嘗到官革易前獎求
 民病利曾未歲餘去珠復還百姓皆反其業商貨流
 通稱為神明左傳使鄧廖帥組甲三百被練三千以
 侵吳杜預註組甲被練皆戰備也組甲漆甲成組文
 被練練袍賈逵曰組甲以組綴甲車士服之被練帛
 也以帛綴甲步卒服之史記江陵故郢都西通巫巴
 東有雲夢之饒漢書地理志南郡江陵故楚郢都楚
 文王自丹陽徙此北史選將練兵羸糧聚甲隋書突
 厥侯月將滿輒為寇鈔劉淵林三都賦註吳越春秋
 之有處女出於南林之中越王使使聘問以劍戟之
 事處女將北見於越王道逢老翁自稱袁公問處女
 吾聞子善為劍術願一觀之女曰妾不敢有所隱惟
 公試之於是袁公即跳於林竹槁折墮地處女即接
 未袁公操本以刺處女女應節入三入因舉杖擊之
 袁公即飛上樹化為白猿遂引去李嶠詩絳營韜符
 畧黃石請兵符史記如姬盜晉鄙兵符與公子孔穎
 達左傳正義節為兵符秋浦檣船九區
 黃石鯨鯢劇孟俱已見前註○郢音穎

流夜郎贈辛判官

昔在長安醉花柳五侯七貴同杯酒氣岸遙凌豪士

前風流肯落他一作誰人後夫子紅顏我少年章臺

走馬著金鞭文章獻納麒麟殿歌舞淹留玳瑁筵與

君自謂長如此寧知草動風塵起函谷忽驚胡馬來

秦宮桃李向明繆本作胡開我愁遠謫夜郎去何日金雞

放赦回群輔錄平阿侯王譚成都侯王商紅陽侯王

音曲陽侯王根高平侯王逢時並以元后弟

同日受封京師號曰五侯並奢豪富侈招賢下士谷

永樓護皆為貴客潘岳西征賦窺七貴於漢庭李善

註七貴謂呂霍上官趙丁傅王也梁書氣岸疎疑倚

途狷隔漢書張敞無威儀時罷朝會過走馬章臺街

孟康註在長安中臣瓚曰章臺下街也初學記三輔

黃圖曰未央宮東有麒麟殿藏秘書卽揚雄校書之

處也宋之間詩歌舞淹雷景欲斜石闕猶駐五雲車
 劉楨瓜賦布象牙之席薰玳瑁之筵後漢書設後北
 虜稍強能為風塵章懷太子註相侵擾則風塵起張
 駿薤露行三方風塵起獫狁竊上京函谷見二卷五
 卷註蕭士贇曰子見以桃李向明開為公卿歸祿山
 非也是指同時儕類因兵興之際不次被用為人桃
 李我獨遭謫也向明者向陽花木之義輿地廣記唐
 貞觀十六年開山洞置夜郎縣為珍州泊李白流夜
 郎卽此唐書地理志貞觀十六年開山洞置珍州并
 置夜郎麗臯樂源三縣後為夜郎郡隸黔中道元和
 二年州廢地改屬溱州舊唐書凡國有赦宥之事先
 集囚徒於闕下命衛尉樹金雞待宣制訖乃釋之

贈劉都使

都使未詳何官詩中有飲冰事戎幕之句蓋幕職也當是兼銜若都水監

使者之

類耳

東平劉公幹南國秀餘芳一鳴卽朱紱五十佩銀章
 飲冰事戎幕衣錦華水鄉銅官幾萬人諍訟清玉堂

吐言貴珠玉落筆迴風霜而我謝明王銜哀投夜郎
歸家酒債多門客粲成行高談滿四座一日傾千觴

所求竟無緒裘馬欲擢藏主人若不顧明發釣滄浪

三國志東平劉楨字公幹太祖辟爲丞相掾屬著文
賦數十篇史記不鳴則已一鳴驚人易乾鑿度天子
三公九卿朱紱諸侯赤紱廣雅紱也漢書韋賢傳
繡衣朱紱四牡龍旂顏師古註朱紱爲朱裳畫爲亞
文也亞古弗字也故因謂之紱漢書百官公卿表凡
吏秩比二千石以上皆銀印青綬顏師古註漢舊儀
云銀印背龜鈕其文曰章謂刻曰某官之章也宋書
銀章青綬莊子今吾朝受命而夕飲冰陸機詩子固
水鄉士李善註水鄉謂吳也唐書地理志宣州南陵
縣武德四年諫池州州廢來屬後析置義安縣又廢
義安爲銅官治孔叢子吐言則天下之士莫不屬耳
目世說註神猶淵鏡言必珠玉西京雜記淮南王安
著鴻烈二十一篇自云字中皆挾風霜左傳投諸四
裔以禦螭魅杜預註投棄也孔融詩歸家酒債多門

客粲成行晉書肆一醉於崇朝飛千觴於長夜成公
綏嘯賦悲傷摧藏李善註摧藏自抑挫之貌明發猶
明晨也詳見二
卷註○紱音拂

贈常侍御

安石在東山無心濟天下一起振橫流功成復瀟灑

大賢有卷舒

繆本作舒卷

季葉輕風雅匡復屬何人君爲

知音者傳聞武安將氣振長平瓦燕趙期洗清周秦

保宗社登朝若有言爲訪南遷賈

傅亮修張良廟教夷項定漢大拯橫

流呂向註橫流謂亂也淮南子盈縮卷施與時變化蕭士贇曰葉世也季葉猶季世也孔融論盛孝章書惟公匡復漢室史記趙奢傳秦軍軍武安西秦軍鼓譟勒兵武安屋瓦盡振後奢子括長平之戰無振瓦事而庾信哀江南賦云碎於長平之瓦周書云瓦震長平則趙分爲二兵出函谷則韓裂爲三未詳本何

書太白此句蓋承二書之說而云耳不本史記也又武安將似指白起以起封武安君故也取以喻時之將帥燕趙皆為祿山所據故期其洗清周地謂洛陽在唐為東京秦地謂長安在唐為西京宗廟社稷在焉故欲其保護安石東山事詳見七卷註賈誼南遷事詳見十卷註

贈易秀才

少年解長劍投贈卽分離何不斷犀象精光暗往時
蹉跎君自惜竄逐我因誰地遠虞翻老秋深宋玉悲
空摧芳桂色不屈古松姿感激平生意勞歌寄此辭
步光之劍陸斷犀象見四卷註吳志虞翻性疏直數有酒失孫權積怒非一遂徙翻交州雖處罪放而講學不倦門徒常數百人在南十餘年
七十卒宋玉九辯悲哉秋之爲氣也

經亂離後天恩流夜郎憶舊遊書懷贈江夏韋

太守良宰

唐時江夏郡乃鄂州也屬江南西道按方輿勝覽以贈此詩之章太守爲

章景駿未

知何據

天上白玉京十二樓五城仙人撫我頂結髮受長生

誤逐世間樂頗窮理亂情九十六聖君浮雲挂空名

天地賭一擲未能忘戰爭試涉霸王畧將期軒冕榮

時命乃大謬棄之海上行學劍翻自哂爲文竟何成

劍非萬人敵文竊四海聲兒戲不足道五噫出西京

臨當欲去時慷慨淚沾纓嘆君倜儻才標舉冠群英

開筵引祖帳慰此遠徂征鞍馬若浮雲送余驃騎亭

歌鐘不盡意白日落昆明

五星經天上白玉京黃金闕抱朴子崑崙山上有五

城十二樓應劭漢書註昆侖五城十二樓仙人
之所常居楊齊賢曰自秦始皇至唐玄宗中國傳緒
之君凡九十有六華陽國志陳登曰雄姿傑出有霸
王之畧吾敬劉玄德莊子古之所謂隱士者非伏其
身而勿見也非閉其言而不出也非藏其知而不廢
也時命大謬也史記項籍少時學書不成去學劍又
不成項梁怒之籍曰書足以記名姓而已劍一人敵
不足學學萬人敵後漢書梁鴻因東出關過京師作
五噫之歌曰陟彼北芒兮噫顧覽帝京兮噫宮室崔
嵬兮噫人之劬勞兮噫遼遼未央兮噫肅宗聞而非
之求鴻不得乃易姓運期名耀字侯光與妻子居齊
魯之間晉書彬彬藻思綽冠群英祖帳祖席時所設
之帳幕杜審言詩祖帳連河關軍麾動洛城陸機詩
牽世纓時網駕言遠徂征驃騎亭玩詩意當在長安
楊註以驃騎亭爲謝安建者恐誤國語女樂二八歌
鐘二肆三輔黃圖漢昆明池武帝元狩四年穿在長
安西南周圍四十里西南夷傳曰天子遣使求身毒
國市竹而爲昆明所閉天子欲伐之越雋昆明國有
滇池方三百里故作昆明池以象之以習水戰因名
曰昆明池三輔舊事曰昆明池地三百三十二頃圖

曰上林苑有昆明池周圍四十里陝西十月到幽州
通志昆明池在西安府城西南三十里

戈鋌若羅星君王棄北海掃地借長鯨呼吸走百川

燕然可摧傾心知不得語一作却欲棲蓬瀛彎弧懼

天狼挾矢不敢張攬涕黃金臺呼天哭昭王無人貴

駿骨綠耳空騰驤樂毅儻再生于今亦奔亡蹉跎一作

蒼茫不得意驅馬過蕭本作還貴鄉逢君聽絃歌肅穆坐華

堂百里獨太古陶然臥羲皇徵樂昌樂館開筵列壺

觴賢豪間青娥對燭儼成行醉舞紛綺席清歌繞飛

梁歡娛未終朝秩滿一作解印歸咸陽祖道擁萬人供帳

遙相望一別隔千里榮枯異炎涼東都賦元戎竟野戈鋌雲說文鋌

小子也揚雄羽獵賦煥若天星之羅張銑註言如天星之羅列也陳琳瑤勒賦駢居列峙煥若羅星按唐書安祿山得天寶元年以祿山為平盧節度使押兩番渤海黑水四府經畧使三載代裴寬為范陽節度仍領平盧軍則經畧威武清夷靜塞恒陽北平高陽唐興橫海平盧盧龍十一軍及榆關守捉安東都護府兵十三萬有奇皆其所統幽薊媯檀易恒定漠滄營平十一州之地皆其所治矣幽州以北盡與祿山所謂君王棄北海掃地借長鯨也宋書鬱弧躍馬務是畋遊楚辭挾長矢兮射天狼王逸註天狼星名以喻貪殘又楚辭思美人兮擘涕而竚眙戰國策郭隗對燕昭王曰古之人君有以千金求千里馬者三年不能得涓人言於君曰請求之君遣之三月得千里馬馬已死買其骨五百金反以報君君大怒曰安事死馬而捐五百金涓人對曰死馬且買五百金况生馬乎天下必以君能市馬馬今至矣於是不能期年千里馬之至者三今王誠欲致士先從隗始於是昭王為隗築官而師之樂毅自魏往驪衍自齊往劇羊自趙往士爭湊燕水經註桃林中多野馬造父於此得驥驪綠耳盜驪之乘以獻周穆王使之馭以見

西王母荀子驕驪驥纖離綠耳此皆古之良馬也
 說文驪馬之低昂也西京賦乃奮翅而騰驪元和郡
 縣志魏州有貴鄉縣太平御覽陸績別傳曰太守王
 朗命為功曹風化肅穆郡內大治嵇康琴賦華堂曲
 宴鄭玄禮記註唐虞以上曰太古元和郡縣志魏州
 有昌樂縣通典三十里置一驛其非通途大路則曰
 館薛道衡詩佳麗儼成行江淹詩綺席生浮埃顏師
 古漢書註綺文繒也即今之所謂細綾也列子韓娥
 東之齊匱糧過雍門鬻歌假食既去餘音繞梁灑三
 日不絕高誘淮南子註日且至食時為終朝秩滿俸
 滿也漢書公卿大夫故人邑子設祖道供帳東都門
 外顏師古註祖道餞行也駱賓王詩一朝殊語默干
 里異
 炎涼
 炎涼幾度改九土中橫潰漢甲連胡兵沙塵暗

雲海草木搖殺氣星辰無光彩白骨成邱山蒼生竟

何罪函蕭本作幽闕壯帝居國命懸哥舒長戟三十萬開

門納凶渠公卿奴蕭本作如犬羊忠讜醢與菹二聖出游

豫兩京遂邱墟

國語能平九土韋昭註九土九州之土也謝靈運詩天地中橫潰李善註

橫潰以水喻亂也抱朴子白骨成山虛祭布野史記

索隱顏師古曰今桃林縣南有洪滔澗水卽古之函

關按山形如函故稱函關餘詳二卷五卷註陳後主

詩山河壯帝居唐書哥舒翰傳天寶十四載祿山反

封常清以王師敗帝乃名見翰拜太子先鋒兵馬元

帥以田良邱爲軍司馬蕭昕爲判官王思禮鉗耳大

福李承光高元蕩蘇法鼎管崇嗣爲屬將火拔歸仁

李武定渾萼契苾以本部隸麾下凡河隴朔方奴刺

等十二部兵二十萬守潼關師始東先驅牙旗觸門

墮注旄竿折衆惡之天子御勤政樓臨送詔翰以軍

行過門無下百官郊餞旌旗亘二百里明年祿山遣

子慶緒攻關翰擊走之賊將崔乾祐守陝郡介旗鼓

羸師以誘戰覘者曰賊無備可圖也帝信之使者趣

戰項背相望翰窘不知所出六月引而東慟哭出關

次靈寶西原與乾祐戰大敗翰引數百騎絕河還營

羸兵纜八千至潼津收散卒復守關乾祐進攻於是

火拔歸仁等給翰出關執以降賊械送洛陽京師震
動由是天子西幸魏樂府賊衆如犬羊北史讒譖甘

心忠讜息義三國志註遂集矢
石於其宮殿而二京爲之邱墟
帝子許專征秉旄控

强楚節制非桓文軍師擁熊虎人心失去就賊勢騰

風雨惟君固房陵誠節冠終古僕臥香爐頂飡霞嗽

瑶泉門開九江轉枕下五湖連半夜水軍來尋陽滿

旌旄空名適自誤迫脅上樓船徒賜五百金棄之若

浮烟辭官不受賞翻謫夜郎天夜郎萬里道西上令

人老掃蕩六合清仍爲負霜草日月無偏照何由訴

蒼昊良牧稱神明深仁恤交道
王勃龍懷寺碑蜀王秀以文昭建國帝子

專征梁書授以上將任以專征書牧誓王左杖黃鉞

右秉白旄以麾庚信詩置酒仍開幕麾軍卽秉旄說
文控引也荀子秦之銳士不可以敵桓文之節制漢
書至於齊桓晉文之兵可謂入其域而有節制矣尚

書如虎如貌如熊如羆後漢書岑彭傳晨夜倍道兼
行二千餘里徑拔武陽使精騎馳廣都去成都數千
里勢若風雨所至皆奔散唐時房陵郡屬山南東道
卽房州也劉孝標世說註終古往古也遠法師廬山
記東南有香爐山孤峰秀起游氣籠其上則氤氳若
香烟白雲映其外則炳然與衆峰殊別又記云衆嶺
中第三嶺極高峻太史公東遊登其峯而遐觀南眺
五湖北望九江東西肆目若陟天庭焉嵇康詩豈若
翔區外食瓊漱朝霞陶潛詩於我若浮烟元和郡縣
志夜郎西北至上都五千五百五十里曰萬里者甚
言其遠也徐幹詩峩峩高山首悠悠萬里道君去日
已遠鬱結令人老十六國春秋掃蕩萬里今其時也
禮記日月無私照北史崔士謙授江陵總管荊州刺
史外禦強敵內撫軍人風化大行號稱良牧漢書班
伯爲定襄太守郡一忝青雲客三登黃鶴樓顧慙禰
中震慄咸稱神明

處士虛對鸚鵡洲樊

一作樊誤

山霸氣盡寥落天地秋

一作

彤襜冠白筆
爽氣凌清秋

江帶峨眉雪川橫

一作橫穿

三峽流萬舸此

中來連帆過揚州送此萬里日曠然散我一作愁紗

窓倚天開水樹綠一作綠樹如髮窺日一作光畏銜山促酒

喜得一作見月吳娃與越艷窈窕誇鉛紅呼來上雲梯

含笑出簾櫳對客小垂手羅衣舞春風賓跪請休息

主人情未極覽君荆山作江鮑堪動色清水出芙蓉

天然去雕飾逸興橫素襟無時不招尋朱門一作虎擁

虎士列戟何森森剪鑿竹石開縈流漲清深登樓一作

臺坐一作入水閣吐論多英一作奇音片辭貴白壁一諾

輕黃金謂我不媿君青鳥一作鸞明一作蕭本丹心見八卷

註昭明文選禰衡鸚鵡賦序黃祖太子射賓客大會
有獻鸚鵡者舉酒於衡前曰禰處士今日無用娛賓

竊以此鳥自遠而至明慧聰善羽族之可貴願先生
爲之賦使四座咸共榮觀不亦可乎衡因爲賦筆不
停綴文不加點太平寰宇記鸚鵡洲在大江東江夏
縣西南二里西過此洲從北頭七十步大江中流與
漢陽縣分界後漢書云黃祖爲江夏太守時祖長子
射大會賓客有獻鸚鵡於此洲故得名元和郡縣志
樊山在鄂州武昌縣西三里謝玄暉詩曰釣臺臨講
閣樊山開廣宴謂此也太平御覽江夏圖經云樊山
西陸路去州一百七十三里出紫石英山東數十步
有岡岡上甚平敞青松綠竹常自蔚然其下有寒溪
夏時凜然常有寒氣故謂之寒溪有蟠龍石王勃江
寧餞宴序霸氣盡而江山空皇風清而市朝改三峽
記峨嵋積雪經時不散峨嵋山乃岷山之一支也峯
巒高峻上極寒冷冬春積雪雖經風日不能消釋入
夏始得融泮流入岷江經三峽而下清流爲之變色
胡三省通鑑註江水自巴東至夷陵其間有廣溪峽
巫峽西陵峽謂之三峽一曰三峽西峽歸峽巫峽七
百里申兩岸連山畧無闕處隱天蔽日自非日中夜
分不見日月廣韻楚以大船曰舸陸放翁入蜀記至
鄂州泊稅務亭賈船客舫不可勝計銜尾不絕者數

里自京口以西皆不及李太白贈江夏韋太守詩曰
萬舸此中來連帆過揚州蓋此地自唐爲衝要之地
王勃採蓮賦吳娃越艷鄭婉秦妍說文吳楚之間謂
好曰娃後漢書入則亂髮壞形出則窈窕作態章懷
太子註窈窕妖冶之貌也方言美心爲窈美狀爲窕
鉛粉也紅朱也謝惠連詩升月照簾櫳李周翰註櫳
窻也說文櫳房室之疏也樂府雜錄舞者樂之容也
有大垂手小垂手或如驚鴻或如飛燕樂府詩集大
垂手小垂手皆言舞而垂其手也吳均曲云垂手忽
迢迢飛燕掌中嬌羅衫窻風引輕帶任情搖又云舞
女出西秦躡影舞陽春且復小垂手廣袖拂紅塵禮
記客跪撫席而辭江鮑江淹鮑照也鍾嶸詩品謝詩
如芙蓉出水江淹詩敢不自彫飾王僧達詩清氣溢
素襟虎士出調禮已見八卷註中華古今註戟以木
爲之後世刻爲無復典型赤油韜之亦謂之迪戟亦
謂之槩戟王公以下通用以爲前驅唐五品以上皆
施槩戟於門唐書百官志凡戟一品之門十六二品
及京兆河南太原尹大都督大都護之門十西三品
及上都督中都督上都護下州之門十二下都督下
都護中州下州之門各十衣幘壞者五歲一易之薨

卒者既葬追還漢紀季布立然諾之信時人爲之語
曰得黃金百鎰不如季布一諾阮藉詩誰言不可見
青鳥明我心宋書重披丹心冒昧以請○禰乃里
切音你或作祧音讀者誤舸音歌又音哥娃音蛙五

色雲間鵲飛鳴天上來傳聞赦書至却放夜郎迴暖

氣變寒谷炎烟生死灰君登鳳池去勿蕭本棄賈生
作忽

才桀犬尚吠堯匈奴笑千秋中夜四五嘆常爲大國

憂旌旆夾兩山黃河當中流連雞不得進飲馬空夷

猶安得羿善射一箭落旄頭歲華紀麗劉向別錄曰
燕地寒谷不生五穀鄒

衍吹律呂以暖之温風至五穀生因名黍谷史記韓

安國坐法抵罪蒙獄吏田甲辱安國安國曰死灰獨

不復然乎田甲曰然即溺之居無何梁內史闕漢使

使者拜安國爲梁內史起徒中爲二千石通典魏晉

史記桀之犬可使吠堯漢書車千秋無他材能學術
又無伐閱功勞特以一言悟主旬月取宰相封侯世
未嘗有也後漢使者至匈奴單于問曰聞漢新拜丞
相何用得之使者曰以上書言事故單于曰苟如是
漢置丞相非用賢也妄一男子上書卽得之矣左傳
今玉室寶蠢蠢焉吾小國懼矣然大國之憂也戰國
策諸侯不可一猶連雞之不能俱止於栖亦明矣左
傳將飲馬於河而歸楚辭君不行兮夷猶王逸註夷
猶猶豫也桀犬喻賊將若史思明輩千秋喻宰相若
苗晉卿王瓊輩兩山太華山首陽山夾黃河之二山
也連雞喻當時諸節度使
輩漢書昂曰旄頭胡星也

江夏使君叔席上贈史郎中

鳳凰丹禁裏銜出紫泥書昔放三湘去今還萬死餘

仙郎久爲別客舍問何如涸轍思流水浮雲失舊居

多慙華省貴不以逐臣疎復如竹林下而

蕭本作叨陪芳

宴初希君生羽翼一化北溟魚

鳳皇啣詔事已見五卷註潛確居類書天

子所居曰禁以丹塗壁故曰丹禁亦曰紫禁元和郡縣志武都有紫水泥亦紫漢朝封壘書用紫泥卽此水之泥也三湘詳見悲清秋賦註莊子周昨來有中道而呼者周顧視車轍中有鮒魚焉曰我東海之波臣也君豈有升斗之水而活我哉潘岳秋興賦獨展轉乎華省晉書阮咸任達不拘與叔父籍爲竹林之遊北溟有魚其名爲鯢詳見大鵬賦註

博平蕭本作晉鄭太守自廬山千里相尋入江夏北

市門見訪却之武陵立馬贈別

唐時博平郡卽博州也隸河北

道武陵郡卽朗州也隸山南東道元和郡縣志廬山在江州潯陽縣東三十二里本名鄣山昔有匡俗字子孝隱淪潛景廬於此山漢武帝拜爲大明公俗號廬君故山取號周環五百餘里

大梁貴公子氣蓋蒼梧雲若無三千客誰道信陵君

救趙復存魏英威天下聞邯鄲能屈節訪博從毛薛
夷門得隱淪而與侯生親仍要鼓刀者乃是袖鎚人
好士不盡心何能保其身多君重然諾意氣遙相託
五馬入市門金鞍照城郭都忘虎竹貴且與荷衣樂
去去桃花源何時見歸軒相思無終極腸斷郎江一作

陵猿

歸藏曰有白雲出自蒼梧入於大梁史記信陵君傳公子畱趙聞趙有處士毛公藏於博徒薛

公藏於賣漿家公子欲見兩人兩人自匿不肯見公子聞所在乃閒步往從此兩人游甚歡公子畱趙十年不歸秦日夜出兵東伐魏魏王患之使使往請公子公子悉其怒之誠門下有敢爲魏王使通者死毛公薛公往見公子曰秦攻魏魏急而公子不恤使秦破大梁而夷先王之宗廟公子當何面目立天下乎語未及卒公子立變色告車趨駕歸救魏魏王以上將軍印授公子公子率五國之兵破秦軍於河外乘

勝逐秦軍至函谷關秦兵不敢出當是時公子威振天下其用夷門隱士侯生策使朱亥袖鐵椎椎殺晉鄙奪其軍進擊秦兵以救邯鄲存趙事詳見三卷註江淹詩延陵輕寶劍季布重然諾五馬見六卷註梁簡文帝詩金鞍照龍馬虎竹見五卷註楚辭荷衣兮蕙帶桃花源在武陵詳見二卷註梁昭明太子詩相思無終極長夜起嘆息方輿勝覽明水在常德府武陵縣其水西南自辰錦州入郡界經郡城入大江謂之朗

江上贈竇長史

長史已見平王

七卷註

漢求季布魯朱家楚逐伍胥去章華萬里南遷夜郎

國三年歸及長風沙聞道青雲貴公子錦帆遊戲

本

奕作西江水人疑天上坐樓船水淨霞明兩重綺相約

相期何太深棹歌搖艇月中尋不同珠履三千客別

欲論交一片心

史記季布為氣任俠有名於楚項籍使將兵數窘漢王及項羽滅高祖購

求布千金敢有舍匿罪及三族季布匿濮陽周氏周

氏曰漢購將軍急迹且至臣家將軍能聽臣臣敢獻

計即不能願先自到季布許之乃髡鉗季布衣褐衣

置廣柳車中并與其家僮數十人之魯朱家所賣之

朱家心知是季布乃買而置之田誠其子曰田事聽

此奴必與同食朱家乃乘輅車之洛陽見汝陰侯滕

公滕公心知朱家大俠意季布匿其所待間果言如

朱家指上乃赦季布又史記楚平王囚伍奢而召其

二子伍尚遂歸伍胥彎弓屬矢出見使者曰父有何

罪以名其子為將財使者還走遂出奔吳章華臺詳

見一卷註臺在楚地伍胥自楚出奔故曰去章華也

華陽國志夜郎郡夜郎國也屬縣二千戶楊齊賢曰

池州雁汊下八十里有長風沙江南通志長風沙在

安慶府東六十里李白泊此作長于行陰鏗詩平湖

錦帆張南史樊猛領青龍八十艘為水軍於白下游

奕以禦隋六合兵湖廣通志西江水在安陸府景陵

縣境乃襄江之一派沈佺期詩人疑天上坐魚似鏡
中懸西京賦齊棹女縱棹歌李善註棹歌引棹而歌

也說文艇小舟也史記春申君客三千餘人其上客皆躡珠履

贈王漢陽唐沔州漢陽郡有漢陽縣屬江南西道

天落白一作上墮玉棺王喬辭葉蕭本作縣一去未千年

漢陽復相見猶乘飛鳥尚識仙人面鬢髮何青青

童顏皎如練吾曾弄海水清淺嗟三變果慳麻姑言

時光速流電與君數杯酒可以窮歡宴白雲歸去來

何事坐交戰後漢書王喬者河東人顯宗世為葉令喬有神術每月朔望常自縣詣臺朝帝

怪其來數而不見車騎密令太史伺望之言其臨至輒有雙鳥從東南飛來於是候鳥至舉羅張之但得一雙鳥焉乃詔上方詠視則四年中所賜尚書官屬

履也後天下玉棺於堂前吏人推排終不動搖喬曰天帝獨召我耶乃沐浴服飾寢其中蓋便立覆宿昔

葬於城東土自成墳其夕縣中牛皆流汗喘乏而人

無知者百姓乃爲立廟號葉君祠神仙傳麻姑云接
待以來見東海三爲桑田向到蓬萊水又淺於往日
陶潛詩一生復能幾倏如飛電驚又
貧富常交戰道勝無戚顏○愜音怯

贈漢陽輔錄事二首

唐時刺史屬官司馬之下
有錄事參軍事上州者從

七品中州者正八品下州者從八品有錄事皆
從九品每縣亦有錄事在丞尉之下則流外官

也

聞君罷官意我抱漢川湄借問久疎索何如聽訟時

天清江月白心靜海鷗知應念投沙客空餘弔屈悲

風俗通賈誼爲長沙太傅旣之官內不自得及渡湘
水投弔書曰闕茸尊顯佞諛得志以哀屈原離讒邪
之咎亦因自傷爲鄧通等所愬也投
沙詳見十卷贈崔秋浦第三首註

其二

鸚鵡洲橫漢陽渡水引寒烟沒江樹南浦登樓不見

君君今罷官在何處漢口雙魚白錦鱗令傳尺素報

情人其中字數無蕭本多少祇是相思秋復春潛確居類

書鸚鵡洲在湖廣漢陽渡之上 蘄衡嘗作鸚鵡賦後

埋玉於此故名洲雖跨漢江而尾連黃鶴磯故圖經

屬武昌郡云秋水漲盛時隱沒不見至水落乃出一

統志漢陽渡在漢陽府城東南浦在武昌府城南三

里漢口在大別山北即漢水與滙水合流入江處胡

三省通鑑註漢口漢水入江之口其地在鄂州漢陽

縣東大別山下楊升菴曰古樂府尺素如殘雪結成

雙鯉魚要知心裏事看取腹中書據此詩古人尺素

結為鯉魚形即緘也文選客從遠方來遺我雙鯉魚

即此事也下云呼兒烹鯉魚中有尺素書亦譬況之

江夏贈韋南陵冰

唐宣城郡有南陵縣隸江南西道

言非真烹也五臣及劉履謂古人多於魚腹寄

書引陳涉罾魚倡禍事證之何異痴人說夢

胡驕馬驚沙塵起胡雛繆本作騶飲馬天津水君爲張掖

近酒泉我竄三巴九千里天地再新法令寬夜郎遷

客帶霜寒西憶故人不可見東風吹夢到長安寧期

此地忽相遇驚喜茫如墮烟霧玉簫金管喧四筵苦

心不得申長一作句昨日繡衣傾綠樽病如桃李竟

何言昔騎天子大宛馬今乘欵段諸侯門賴遇南平

豁方寸復兼夫子持清論有似山開萬里雲四望青

天解人悶人悶還心悶苦辛長苦辛愁來飲酒二千

石寒灰重暖生陽春山公醉後能騎馬別是風流賢

主人頭陀雲月多僧氣山水何曾稱人意不然一作能

鳴笳按鼓戲滄流呼取江南女兒歌棹謳我且爲君

槌碎黃鶴樓君亦爲吾倒却鸚鵡洲赤壁爭雄如夢

裏且須歌舞寬離憂

漢書孝惠高后時冒頓侵驕驕矜傲之意晉書石勒年十四隨

邑人行販洛陽倚嘯上東門王衍見而異之顧謂左

右曰向者胡雛吾觀其聲視有奇志恐將爲天下之

患馳遣收之會勒已去漢書狂夫鳴謗於東崖匈奴

飲馬於渭水唐時張掖郡甘州也酒泉郡肅州也俱

屬隴右道通典張掖郡西到酒泉郡四百三十里三

巴詳見四卷註太白雖流夜郎然甫至三巴而遇救

故曰我竄三巴九千里江淹恨賊遷客海上漢書百

官公卿表侍御史有繡衣直指出討奸猾治大獄顏

師古註衣以繡者尊寵之也沈約詩憂來命綠樽漢

書桃李不言下自成蹊史記大宛多善馬馬汗血言

其先天馬子也後漢書乘下澤車御欸段馬章懷太

子註欸猶緩也言形段遲緩也南平謂南平太守李

之遙也開雲望青天用衛瓘美樂廣語已見八卷註

寒灰重暖用韓安國語已見本卷註山公醉後騎馬

事見五卷註楊齊寶曰頭陀寺在鄂州宋大明五年
建天竺言頭陀此言抖擻抖擻煩惱也元和郡縣志
頭陀寺在鄂州江夏縣東南二里陸放翁入蜀記頭
陀寺在鄂州城之東隅石城山方輿勝覽頭陀寺在
黃鶴山上自南齊王巾作碑遂爲古今名刹謝靈運
詩鳴笳發春渚李周翰註笳簫也楚辭噉鐘按鼓造
新歌些劉良註按猶擊也蜀都賦吹洞簫發棹謳劉
淵林註棹謳鼓棹而歌也黃鶴樓見八卷註鸚鵡洲
見前首註華陽國志孫權遣周瑜程普水軍三萬助
先主拒曹公大破公軍於赤壁焚其舟船曹公引歸
楊齊賢曰赤壁磯與百人山
對峙在今鄂州上流八十里

贈盧司戶

秋色無遠近出門盡寒山白雲遙相識待我蒼梧間

借問盧耽鶴西飛幾歲還

水經註鄧德明南康記曰昔有盧耽仕州爲治中少

棲仙術善解雲飛每夕輒凌虛歸家曉則還州嘗於元會至朝不及朝列化爲白鶴至閣前回翔欲下威

儀以石擲之得一隻履射驚
還就列內外左右莫不駭異

贈從弟南平太守之遙二首

唐時南平郡即渝州也先名巴郡天

寶元年更名

隸劍南道

少年不得

繆本作作

意落魄

繆本作拓

無安居願隨任公子欲

釣吞舟魚常時飲酒逐風景壯心遂與功名疎蘭生

谷底人不鋤雲在高山空卷舒漢家天子馳駟馬赤

車蜀道迎相如天門九重謁聖人龍顏一解四海春

彤庭左右呼萬歲拜賀明王收沉淪翰林秉筆迴英

盼麟閣崢嶸誰可見承恩初入銀臺門

一作侍從甘泉宮

著

書獨在金鑾殿龍駒雕鏗白玉鞍象裝糲

一作食

黃

金盤當時笑我微賤者却來請謁爲交歡一朝謝病
游江海疇昔相知幾人在前門長揖後門關今日結
交明日改愛君山嶽心不移隨君雲霧迷所爲夢得
池塘生春草使我長價登樓詩別後遙傳臨海作可

見羊何共和之

史記酈生家貧落魄無以爲衣食業莊子在公子投竿東海釣得大魚見

大鵬賦註三國志芳蘭生門不得不鋤司馬相如赤

車駟馬事見四卷註鄭玄禮記註天子九門路門也

應門也雉門也庫門也臯門也城門也近郊門也遠

郊門也闕門也列子夫子始一解顏而笑形庭天子

之庭以朱漆飾之也詳見明堂賦註夢溪筆談唐翰

林院在禁中乃人主燕居之所玉堂承明金鑾殿皆

在其間應供奉之人自學士以下工伎群官司隸籍

其間皆稱翰林如今之翰林醫官翰林待詔之類是

也謝朓詩俯仰流英盼初學記漢西京未央宮中有

麟閣亦藏秘書卽揚雄校書之處也石林燕語唐翰

林院在銀臺門之北玉海兩京記大明宮紫宸殿殿北
曰蓬萊殿其西曰還周殿還周西北曰金鑾殿殿旁
坡名金鑾坡又云金鑾殿在蓬萊正西微南徐陵詩
白馬號龍駒吳均詩白玉樓衢鞍綺席見十一卷註
疇昔前日也見九卷註三國志由夷逸操山岳不移
南史謝惠連年十歲能屬文族兄靈運嘉賞之云每
有篇章對惠連輒得佳語嘗於永嘉西堂思詩竟日
不就忽夢見惠連卽得池塘生春草大以爲工嘗曰
此語有神助非吾語也按池塘生春草句乃靈運登
池上樓詩故曰長價登樓詩靈運又有登臨海嶠初
發強中作與從弟惠連可見羊何共和之詩一首臨
海晉時郡名卽今台州也羊何謂泰山羊璿之東海
何長瑜與靈運惠連以文章賞會共
爲山澤之遊○鐙丁鄧切登上聲

其二

東平與南平今古兩步兵素心愛美酒不是顧專城
謫官桃源去尋花幾處行秦人如舊識出戶笑相迎

太白自註南平時因飲酒過度貶武陵李善文選註
臧榮緒晉書曰阮籍拜東平相不以政事爲務沉醉
日多晉書阮籍聞步兵厨人善釀有貯酒三百斛乃
求爲步兵校尉江淹詩素心正如此李善註素本也
專城謂縣令得專主一城政事者也古陌上桑詞三
十侍中郎四十專城居桃源在武陵詳見二卷註

贈潘侍御論錢少陽

繡衣柱史何昂藏鐵冠白筆橫秋霜三軍論事多引
納堦前虎士羅干將雖無二十五老者且有一翁錢
少陽眉如松雪齊四皓調笑可以安儲皇君能禮此

最下士九州拭目瞻清光

漢書王賀爲武帝繡衣御史逐捕魏郡群盜堅盧等

黨與通典漢武帝時侍御史又有繡衣直指者出討
奸猾理大獄而不常置初學記漢官儀曰侍御史周
官也爲柱下史冠法冠一名柱後以鐵爲柱言其審
固不撓常清峻也魏畧曰帝嘗大會殿中御史替白

筆側階而坐。上問左右：此爲何官？何至左右不對？辛
毗曰：此爲御史。舊時簪筆以奏不法，今者直備官，但
眊簪耳。陸機孝侯，周處碑，汪洋延闕之旁，昂藏寮采
之上。虎士出周禮，見八卷，註吳越春秋，吳闔閭請于
將，作名劍二枚，于將妻斷髮剪爪，投於爐，遂以成劍。
陽曰：于將陰曰莫耶，陽作龜文陰作漫理。又子虛賦
建于將之雄戟，張揖註：于將，韓王劍師，雄戟，胡子有
解者，于將所造，則戟亦可稱于將矣。說苑公子推行
年十五而相，荆仲尼問之，何人往視，還曰：廊下有二
十五俊士，堂上有二十五老人，仲尼曰：合二十五人
之智，智於湯武，并二十五人之力，力於彭祖，以治天
下，其困免矣。乎史記四皓保護太子事，見四卷，註謝
瞻詩：定都護，儲皇三國志，四海延頸，八方拭目。

贈柳圓

竹實滿秋浦。

蕭本作圃

鳳來何苦飢，還同月下鵲。三繞未

安枝，夫子卽瓊樹。傾柯拂羽儀，懷君戀明德。歸去日

相思

陸機詩疏鳳凰一名鷗非梧桐不棲非竹實不食非醴泉不飲魏武帝短歌行月明星稀烏鵲

南飛繞樹三匝何枝可依瓊樹即瓊枝也以璆琳瓊

耳為實鳳凰食之詳見二卷註中謝靈運詩傾柯引

弱枝攀條

摘蕙草

流夜郎半道承恩放還兼欣尅復之美書懷示

息秀才

黃口為人羅白龍乃魚服得罪豈怨天以愚陷網目

鯨鯢未翦滅豺狼屢翻覆悲作楚地囚何由

蕭本作日秦

庭哭遭逢二明主前後兩遷逐去國愁夜郎投身窟

荒谷半道雪屯蒙曠如鳥出籠遙欣尅復美光武安

可同天子巡劍閣儲皇守扶風揚袂正北辰開襟攬

群雄胡兵出月窟雷破關之東左掃因右拂旋收洛陽官迴輿入咸京席卷六合通叱咤開帝業

一作手

成天地功大駕還長安兩日忽再中一朝讓寶位劍璽傳無窮媿無秋毫力誰念矍鑠翁七者何所慕高飛仰冥鴻棄劍學丹砂臨爐雙玉童寄言息夫子歲

晚陟方蓬

家語孔子見羅雀者所得皆黃口小雀問之曰大雀獨不得何也羅雀者曰大雀善驚

而難得黃口貪食而易得黃口雀之初生其吻尚帶黃色者也東京賦白龍魚服見困豫且事詳六卷註王融策秀才文爲網羅之目尚簡李周翰註目網孔也梁書宗社綴旒鯨鯢未翦曹叅六代論掃除兇逆翦滅鯨鯢李周翰註鯨鯢大魚吞食小魚者以喻不義人也鮑照詩邊塵屢翻覆吳越春秋申包胥乃之於秦求救楚晝馳夜趨足踵蹠劈裂裳裹膝鶴倚哭於秦庭七日七夜口不絕聲二明主謂宣宗肅宗大

白前事明皇被讒遭逐後值肅宗坐累遠流所謂兩
遷逐也庾信哀江南賦序子乃竄身荒谷公私塗炭
楊素詩在昔天地閉品物屬屯蒙屯蒙者艱難蒙晦
之義楞嚴經遠離三有如鳥出籠劍閣入蜀之險道
已見前註時明皇幸蜀故曰天子巡劍閣至德元載
七月改扶風爲鳳翔郡二載二月肅宗幸鳳翔至十
月兩京克復始自鳳翔還長安駐兵扶風者凡十月
故曰儲皇守扶風初學記荊州星占曰北辰一名天
關一名北極北極者紫宮太一座也此以喻天子之
位晉書張賓謙虛敬慎開襟下士士無賢不肖造之
者莫不得盡其情後漢書邳禹傳於今之計莫如延
攬英雄舊唐書郭子儀傳二年九月從元帥廣平王
率蕃漢之師十五萬進收長安迴紇遣葉護太子領
四千騎助國討賊子儀與葉護宴狎修好誓平國難
相得甚歡子儀與賊將安守忠李歸仁戰於京西香
積寺之北王師結陣橫亘三十里賊衆十萬陣於北
迴紇以奇兵出賊陣之後夾攻之賊軍大潰自午至
酉斬首六萬級賊將張通儒守長安聞歸仁等敗夜
奔陝郡翌日廣平王入京師老幼百萬夾道歡叫涕
泣而言曰不圖今日復見官軍廣平王休士三日率

師東趣十月安慶緒遣嚴莊悉其衆十萬來赴與張
通儒同抗官軍屯於陝西負山爲陣子儀以大軍擊
其前迴紇登山乘其背遇賊潛師於山中與鬪過期
大軍稍却賊分兵三千人絕我歸路子儀麾迴紇令
進盡殺之師馳至其後於黃埃中發十餘矢賊驚顧
曰迴紇來卽時大敗僵尸徧山澤嚴莊張通儒走歸
洛陽遂與安慶緒渡河保相州子儀奉廣平王入東
都陳兵於天津橋士庶歡呼於路肅宗紀至德二載
十月癸亥上自鳳翔還京遣太子太師韋見素入蜀
迎上皇丙寅至望賢宮得東京捷書上大喜丁卯入
長安士庶涕泣拜忭曰不圖復見吾君十二月丙午
上皇至自蜀上至望賢宮奉迎上皇御宮南樓上望
樓辟易下馬趨進再拜蹈舞稱慶上皇下樓上匍匐
奉上皇足涕泗嗚咽不能自勝遂扶侍上皇御殿親
自進食自御馬以進上皇上馬又躬攬轡而行止之
後退上皇曰吾享國長久吾不知貴見吾兒爲天子
吾知貴矣上乘馬前導自開遠門至丹鳳門旗幟燭
天綵棚夾道士庶抃舞路側皆曰不圖今日再見二
聖百僚班於含元殿庭上皇御殿左相苗晉卿率百
辟稱賀上皇詣長樂殿謁九廟神主卽日幸興慶宮

上請歸東宮上皇遣高力士再三慰譬而止十二月
甲子上皇御宣政殿授上傅國璽上于殿下涕泣而
受之史記席卷天下包舉宇內字林叱咤發怒也漢
書五載而成帝業國語夫成天地之大功者其子孫
未嘗不章虞夏商周是也蔡邕獨斷大駕則公卿奉
引大將軍參乘太僕御屬車八十一乘備千乘萬騎
在長安出祀天於甘泉備之西京賦云大駕幸乎平
樂之館呂延濟註大駕天子駕也蓋後人泛指天子
之駕爲大駕易解終備日再中烏連嬉仁聖出握知
時封禪書新垣平言臣侯日再中居頃之日却復中
周易聖人之大寶曰位西京雜記漢帝相傳以秦王
子嬰所奉白玉璽高帝斬白蛇劍後漢書武威將軍
劉尚擊武陵五溪蠻夷深入軍沒馬援因復請行時
年六十二帝愍其老未許之援自請曰臣尚能披甲
上馬帝令試之援據鞍顧盼以示可用帝笑曰矍鑠
哉是翁也章懷太子註矍鑠勇貌又逸民傳楊雄曰
鴻飛冥冥弋者何篡焉言其違患之遠也章懷太子
註篡字諸本或作募法言作篡宋衷曰篡取也鴻高
飛冥冥薄天雖有弋人何所施巧而取焉喻賢者隱
處不羅暴亂之害也方蓬方丈蓬萊海中二神山也

贈張相鎬二首

時迹難病在宿松山作蕭本缺病字。舊唐書張鎬博州人風

儀魁岸廓落有大志涉獵經史好談王霸大畧

天寶末自褐衣拜左拾遺玄宗幸蜀鎬自山谷

徒步扈從肅宗即位玄宗遣鎬赴行在所鎬至

鳳翔奏議多有弘益拜諫議大夫尋遷中書侍

郎同中書門下平章事時方興軍度帝注意將

帥以鎬有文武才業命兼河南節度使持節都

統淮南等道諸軍事及收復兩京加鎬銀青光

祿大夫封南陽郡公以本軍駐汴州招討殘孽

神器難竊弄天狼窺紫宸六龍遷

一作駕

白日四海

一作

九落暗胡塵昊穹降元宰君子方經綸澹然養浩氣歛

起持大

繆本作天

鈞秀骨象山岳英謀合鬼神佐漢解鴻

門生唐為後身

一作與唐思退身

擁旄秉金鉞伐鼓

乘朱輪虎將如雷霆

一作電

總戎向東巡諸侯拜馬首

猛士騎鯨鱗澤被魚鳥悅。令行草木春。聖智一作逢聖不

失時。建功及良辰。醜虜安足紀。可貽悵與巾。倒瀉溟

海珠盡為入幕珍。馮異獻赤伏。鄧生歟。蕭本作倏來臻庶

同昆陽舉。再覩漢儀新。東京賦巨猾間豐竊弄神器薛綜註神器帝位也天狼謂

狼星也見十一卷註曹植下太后誅龍飛紫宸奄有九土蠡海集天子之居曰紫宸六龍駕日車者也詳

見三卷註晉書昔者幽后不綱胡塵暗於戲水封禪書肇自吳穹生民顏師古曰吳穹皆謂天也顯言氣

顯汗也穹言形穹隆也王融曲水詩序元宰比肩於尚父中鉉繼踵於周南李善註元宰冢宰也周易雲

雷屯君子以經綸北史陛下不以劉裕歟起納其使貢唐書張鎬與布衣不數年位將相獨孤及唐故洪

州刺史張公鎬遺愛頌隱居南山蓋三十期天寶十

四年始褐衣名見由是一命左拾遺再命右補闕修國史三命侍御史四命諫議大夫五命中書侍郎同

中書門下平章事起布衣二年縮相印佐王業明敷

之盛耀動古今於時至德二載也周書英謀電發神
旆風馳漢書項羽至戲西鴻門聞沛公欲王關中獨
有秦府庫珍寶亞父范增勸羽擊沛公饗士旦日合
戰羽季父項伯素善張良良時從沛公項伯夜以語
良良與俱見沛公因伯自解於羽明日沛公從百餘
騎至鴻門謝羽自陳封秦府庫還軍霸上以待大王
閉關以備他盜不敢背德羽意已解范增欲害沛公
賴張良樊噲得免唐書肅宗本紀至德二載五月丁
巳諫議大夫張鎬爲中書侍郎同中書門下平章事
八月甲申張鎬兼河南節度使都統淮南諸軍事十
一月張鎬率四鎮伊西北庭行營兵馬使李嗣業陝
西節度使來瑱河南都知兵馬使嗣吳王祗克河南
郡縣班固涿邪山祝文杖節擡旄征人伐鼓任昉宣
德皇后令擁旄司部李周翰註擁持也旄旌旗之屬
以麾衆者也古今註大將軍出征特加黃鉞者以銅
爲之黃金塗刃及柄不得純金得賜黃鉞則斬持節
將陸雲吳啟丞相陸公諫金鉞鏡日雲旗絳天冊府
元龜天寶元年正月一日改元詔日文宣垂訓事必
正名黃鉞古者以金爲飾金者應五行之數布肅殺
之威去金稱黃理或未當其黃鉞宜改爲金鉞符威

武之意焉詩小雅伐鼓淵淵又大雅如雷如霆徐方
震驚魏書奉律總戎廓寧淮右羽獵賦乘巨鱗騎鯨
魚史記智者不失時王者不絕世詩大雅仍執醜虜
通鑑司馬懿與諸葛亮相守百餘日亮數挑戰懿不
出亮乃遺懿巾幘婦人之服懿怒上表請戰亮曰彼
本無戰情所以固請戰者以示武於其眾耳胡三省
註劉昭註補輿服志公卿列侯夫人紺繒幘蓋婦人
首飾之稱獨孤及張公鎬遺愛碑春選乃僚必國之
良有若博陵崔賁昌黎韓洄趙郡李惟岳北海王士
華河間邢苗河東裴孝智隴西李道皆卿材也以嘉
言碩畫參公軍事晉書謝安與王坦之嘗詣桓溫論
事溫令郗超帳中卧聽之風動帳開安笑曰郗生可
謂入幕之賓矣後漢紀蕭王至中山群臣上尊號王
不聽諸將固請王名馮異問以群臣之議異曰三王
背叛更始敗亡天下無王宗廟之憂在於大王宜從
衆議上以安社稷下以濟百姓王曰我昨夢乘赤龍
上天覺悟心中悸動此何祥也異再拜賀曰此天命
發於精神心中悸動大王重慎之至也會諸生彊華
自長安奉赤伏符詣鄴群臣復請曰受命之符人應
爲大今萬里合信周之白魚焉足比乎符瑞昭晰宜

峇天神以光上帝六月巳未卽皇帝位於高後漢書
鄧禹傳禹聞光武安集河北卽杖策北渡追及於鄴
光武見之甚歡漢書王莽傳莽遣大司空王邑馳傳
之洛陽與司徒王尋發衆郡兵百萬平定山東邑至
洛陽州郡各選精兵牧守自將定會者四十二萬人
餘在道不絕車甲士馬之盛自古出師未嘗有也六
月邑與尋發洛陽欲至宛道出潁川過昆陽昆陽時
已降漢漢兵守之二公緝兵圍昆陽世祖悉發鄧定
陵兵數十人來救昆陽尋邑易之自將萬餘人行陣
勅諸營皆按部毋得動獨迎與漢兵戰不利大軍不
敢擅相救漢兵乘勝殺尋昆陽中兵出並戰邑走軍
亂天風蜚瓦雨如注水大衆崩壞號譁虎豹股慄士
卒奔走各還歸其郡後漢書光武帝紀時三輔吏士
東迎更始見諸將過皆冠幘而衣婦人衣諸于繡羈
莫不笑之或有畏而走者及見司隸僚屬皆歡喜不
自勝老吏或垂涕曰不圖今日復見漢官威儀○欬

音忽

昔爲管將鮑中奔吳隔秦一生欲報主百代期榮

親其事竟不就哀哉難重陳臥病宿松山

繆本作蒼
古松滋

茫繆本空四鄰風雲激壯志枯槁驚常倫聞君自天

來目張氣益振亞夫得劇孟敵一作國空一作無人

捫虱對桓公願得論悲辛大塊方噫氣何辭鼓青蘋

斯言儻不合歸老漢江濱韻會將與也管鮑事見三

尚於榮親呂向註榮親謂魯祿名譽太平寰宇記舒

州宿松縣本漢皖縣地元始中為松滋縣屬廬江晉

武平吳以荊州有松滋縣遂改為宿松縣左思詩荆

軻飲燕市酒酣氣益振史記條侯時乘六乘傳會兵

滎陽至洛陽見劇孟喜曰七國反吾乘傳至此不自

意全又以為諸侯已得劇孟劇孟今無動吾據滎陽

以東無足憂者晉書桓温入關王猛披褐詣之一而

談當世之事捫虱而言旁若無人莊子大塊噫氣其

名為風宋玉風賦風生於地起於青蘋之末

其二一作書懷重寄張相公

本家一作家本隴西人先為漢邊將功畧蓋天地名飛青

雲上苦戰竟不侯當蕭本作富年頗惆悵世傳崆峒勇氣

激金風壯英烈遺厥孫百代神猶王十五觀竒書作

賦凌相如龍顏惠殊寵麟閣憑天居一作侍從承明廬晚途

未云已躋躋遭讒毀想像晉末時崩騰胡塵起衣冠

陷鋒鏑戎虜盈一作荆棘生朝市石勒窺神州劉聰一作曜

劫一作役天子撫劍夜吟嘯雄心日千里誓欲斬鯨鯢

澄清洛陽水六合一作三台灑霖雨萬物一作六合無凋枯我

揮一杯水自笑何區區繆本作驅驅因人恥成事貴欲決

良圖滅虜不言功飄然陟一作向方壺惟有安期鳥留

之滄海隅

唐書宗室世系素李氏出自嬴姓其後有仲翔為河東太守征西將軍討叛羌於素

昌戰沒葬隴西狄道東川因家焉仲翔生伯考隴西

河東二郡太守伯考生尚成紀令尚生廣前將軍廣

二子長曰當戶次曰敢郎中令關內侯敢生禹禹生

丞公河南太守丞公生先蜀郡北平太守先生長宗

漁陽丞長宗生君况博士議郎太中大夫况生本郎

中侍御史本生次公巴郡太守西夷校尉次公生軌

魏臨淮太守司農卿軌生隆長安令積弩將軍隆生

艾晉驍騎將軍魏郡太守艾生雍濟北東莞二郡太

守雍生二子長曰倫次曰柔北地太守柔生弁前涼

天水太守武衛將軍安西亭侯弁生昶涼太子侍講

昶生暲西涼武昭王興聖皇帝云云太白為興聖皇

帝九世孫故以廣為祖李陵報蘇武書陵先將軍功

畧蓋天地義勇冠三軍劉良註先將軍廣也功績謀

畧甚大可蓋於天地道德指歸論名在青雲之上史

記李廣嘗與望氣王朔燕語曰自漢擊匈奴廣未嘗

不在其中而諸部校尉以下材能不及中人然以擊

胡軍功取侯者數十人廣不為後人然無尺寸之功

以得封邑者何也豈吾相不當侯耶且固命也爾雅

太平之人仁丹穴之人智大蒙之人信空桐之人武
郭璞註地氣使之然也史記正義括地志云崆峒山
在肅州福祿縣東南六十里又云笄頭山一名崆峒
山在原州高平縣西百里按通典原州平高縣有崆
峒山岷州溢樂縣有崆峒山肅州福祿縣有崆峒山
是有三崆峒山也惟岷州漢時屬隴西郡張景陽詩
金風扇素節李善註西方爲秋秋王金故秋風曰金
風也詩大雅貽厥孫謀世說見子嵩在其中常自神
王漢書蜀有司馬相如作賦甚弘麗溫雅楊齊賢曰
龍顏惠殊寵言名見之時御手調羹步輦降迎事也
劉琨表猥蒙天恩光授殊寵鮑照詩層閣肅天居劉
良註高閣肅然天子之居謝靈運詩崩騰永嘉末逼
迫太元始呂延濟註崩騰破壞貌梁書衣冠弊鋒鏑
之下老幼粉戎馬之足晉書孝懷帝紀永嘉五年六
月癸未劉曜王彌石勒同寇洛川王師頻爲所敗死
者甚衆丁酉劉曜王彌入京師帝開華林園門出河
陰藕池欲幸長安爲曜等所追及曜等遂焚燒官廟
逼辱妃后百官士庶死者三萬餘人帝蒙塵於平陽
劉聰以帝爲會稽公左傳右撫劍左援帶後漢書斯
誠雄心尚武之幾先志翫兵之日徐陵冊陳王九錫

文屠契偷於中原斬鯨魄於濛汜後漢書時冀州飢
 荒盜賊群起乃以范滂為清詔使按察之滂登車攬
 轡有澄清天下之志左思詩俯仰生容華咄嗟復凋
 枯廣雅區區小也史記毛遂曰公等錄錄所謂因人
 成事者也十六國春秋勉思良圖自求多福蓬壺蓬
 萊也見明堂賦註安期烏已見二卷註又南方草木
 狀番禺東有澗澗中生菖蒲皆一寸
 九節安期生採服仙去但留玉烏焉

聞謝楊兒吟猛虎詞因有此贈

同州隔秋浦聞吟猛虎詞晨朝來借問知是謝楊兒

同州隔秋浦謂同在池州而所隔者祇一秋浦之
 水也秋浦水在池州府城西南八十里見八卷註

宿清溪主人

清溪在池州
詳見二卷註

夜到清溪宿主人碧巖裏簷楹挂星斗枕席響風水

月落西山時啾啾夜猿起

楚辭猿啾啾兮狖夜鳴
呂延濟註啾啾猿聲

繫尋陽上崔相換三首

邯鄲四十萬同日陷長平能迴造化筆或冀一人生

史記白起越韓魏而攻彊趙北坑馬服誅屠四十餘萬之衆盡之於長平之下流血成川沸聲若雷遂入圍邯鄲論衡秦將白起坑趙降卒於長平之下四十萬衆同時皆死沈炯自長安還至方山愴然自傷詩秦軍抗趙卒遂有一人生

其二

毛遂不墮井曾參寧一作殺人虛言誤公子投杼惑

慈親白璧雙明月方知一玉真西京雜記趙有兩毛遂野人毛遂墮井而

死客以告平原君平原君曰嗟乎天喪予矣既而知野人毛遂非平原君客也戰國策曾子處費費人有與曾子同名族者而殺人人告曾子母曰曾參殺人曾子之母曰吾子不殺人織自若有頃焉人又曰曾

李太白文集 卷十一 三

參殺人其母織尚自若也頃之一人又告之曰曾參殺人其母懼投杼踰牆而走說文杼機之持緯者也蕭士贇註太白引此自况其遭誣耳○杼音紵

其三

虛傳一片雨枉作陽臺神縱爲夢裏相隨去不是襄

王傾國人

庾信詩何勞一片雨喚作陽臺神舊註此一首恐非上崔相亦恐非太白之作

巴陵贈賈舍人

唐時巴陵郡卽岳州也隸江南西道唐書賈至字幼隣擢明經

第解褐單父尉從玄宗幸蜀拜起居舍人知制誥歷中書舍人至德中坐小法貶岳州司馬寶

應初名

復故宮


賈生西望憶京華湘浦南遷莫怨嗟聖王恩深漢文

帝憐君不遣到長沙

史記賈生年少通諸子百家之書文帝召以爲博士超遷一歲

中至太中大夫後亦疏之不用其議乃以爲長沙王
太傅賈生旣辭往行聞長沙卑濕自以壽不得長又
以謫去意不自得及渡湘水爲賦以弔屈原長
少在洞庭湖之南去巴陵又遠五百五十里

Blank space with vertical lines, likely representing text that is either obscured or intentionally left blank in this scan.



Vertical text columns on the left side of the page, which are significantly faded and partially obscured by the dark area to their right.

李太白文集卷之十二

錢塘

王琦琢崖輯註

趙樹元石堂較

古近體詩共二十五首

贈別舍人弟臺卿之江南

按舊唐書永王璘傳云璘以薛繆李臺卿

蔡垌為謀王其即此臺卿歟太白之見辟於永王璘想斯人為之累也

去國客行遠還山秋夢長梧桐落金井一葉飛銀牀

覺罷攬明

繆本作把朝

鏡鬢毛颯已霜良圖委蔓草古貌

成枯桑欲道心下事時人疑夜光因為洞庭葉飄落

之

一作流浪至

瀟湘令弟經濟士

一作才

謫居我何傷

一作出門

見我

潛虬隱尺

一作半

水著論談興亡客

一作哀

遇王子

喬口傳不死方入洞過天冠登真朝玉皇吾將撫爾

背揮手遂翱翔

一作攜手凌蒼蒼○淮南王篇後園鑿井銀作牀金瓶素綆汲寒漿庾肩

吾詩銀牀落井桐韻會井幹井上木欄也其形四角或八角又謂之銀牀皆井欄也史記明月之珠夜光

之壁以閤投人於道路人無不按劍相眄者何則無因而至前也楚辭洞庭波兮木葉下謝靈運詩末路

值令弟又詩潛虬媚幽姿說文虬龍子有角者水經註仙人王子喬碑曰王子喬者蓋上世之真人聞其

或言產蒙抱朴子李少君有不死之方

醉後贈王歷陽

淮南道有歷陽縣隸和州歷陽郡

書禿千兔毫詩裁兩牛腰筆蹤

蕭本作

起龍虎舞袖拂

雲霄雙歌

一作寄

二胡姬更奏

一作唱

遠清朝舉酒挑胡

雪從君不相饒

晉書雖禿千兔之翰聚無一毫之筋蘇頌曰詩裁兩牛腰言其卷大如牛

腰也梁武帝書討王右軍書字勢雄強如龍跳天門虎臥鳳闕故歷代寶之永以為訓寧戚歌清朝飯牛

至夜半清朝猶清晨也鮑照詩日月流邁不相饒

贈歷陽褚司馬時此公為稚子舞故作是詩也

繆本缺

此五字

北堂千萬壽侍奉有光輝先同稚子舞更着老萊衣

因為小兒啼醉倒月下歸人間無此樂此樂世中稀

藝文類聚列士傳曰老萊子孝養二親行年七十嬰兒自娛著五色采衣常取漿上堂跌仆因臥地為小

兒啼或弄鳥鳥於親側

對雪醉後贈王歷陽

有身莫犯飛龍鱗。有手莫辦猛虎鬚。君看昔日汝南
市。白頭仙人隱玉壺。子猷聞風動窗竹。相邀共醉杯
中綠。歷陽何異山陰時。白雪飛花亂人目。君家有酒
我何愁。客多樂。酣秉燭。遊謝尚。自能鸚鵡舞。相如免

脫鷓鴣裘。清晨鼓棹

一作
興罷

過江去千里。相思明月樓

一作他日西看却月樓。莊子疾走料虎頭。編虎鬚
幾不免虎口哉。神仙傳壺公者不知其姓名。汝南費
長房爲市掾。忽見公從遠方來入市賣藥。常懸一空
壺於屋上。日入之後。公跳入壺中。人莫能見。惟長房
樓上見之。知非常人。乃日自掃公座前地。及供饌
物。公受而不辭。積久。長房猶不懈。亦不敢有所求。公
知長房篤信。謂長房曰。至暮無人時。更來。長房如其
言。卽往。公語房曰。見我跳入壺中時。卿便可效我跳
自當得入。長房依言。果不覺已入。入後不復是壺。惟
見仙宮世界。樓觀重門。閣道公左右侍者數十人。公

語房曰我仙人也昔處天曹以公事不勤見責因謫
人間耳卿可教故得見我王子猷居山陰夜大雪眠
覺開室命酌酒詳見九卷註王僧孺詩半飲杯中綠
古詩晝短苦夜長何不秉燭遊晉書王導辟謝尚為
掾始到府通謁導以其有勝會謂曰聞君能作鸚鵡
舞一坐傾想寧有此理否尚曰佳便著衣積而舞導
令坐者撫掌擊節尚俯仰在中旁若無人西京雜記
司馬相如以所著鸚鵡裘就市人楊昌貴酒陶潛詩
鼓棹路崎曲吳均詩相思自有處春風明月樓太平
寰宇記江陵縣湘東楚有明月樓顏之推詩云屢陪
明月宴將軍扈義所造又鮑照吳歌
夏口樊城岸曹公却月樓○鶴首育

贈宣城宇文太守兼呈崔侍御

唐時宣州亦謂之宣城郡隸江

南西道今之

寧國府也

白若白鷺鮮。清如清唳蟬。受氣有本性。不為外物遷。
飲水箕山上。食雪首陽巔。迴車避朝歌。掩口去盜泉。

茗堯廣成子倜儻魯仲連卓絕二公外丹心無間然

隋書食貨志是歲翟雉尾一值十縑白鷺鮮半之登封縣志箕山在縣東南二十五里高大四絕其形如箕山北爲黃城許由隱處也又名許由山潁水自山陰東流而去世稱箕潁虛巖幽壑茂草平林卽當盛暑亦無炎蒸之氣旁爲棄瓢巖昔許由隱箕潁間以手掬水飲之人遺一瓢得以操飲飲訖挂木上風吹歷歷有聲由以爲煩棄之巖下故名棄瓢巖洗耳泉在其西元和郡縣志首陽山在河南府偃師縣西北二十五里阮籍詩云步出上東門北望首陽岑下有採薇士上有嘉樹林山上有夷齊祠詩國風采芣采芣首陽之巔食雪事無考漢書邑號朝歌墨子迴車晉灼曰紂作朝歌之音朝歌者不時也顏師古曰朝歌殷之邑名也淮南子云墨子非樂不入朝歌水經註盜泉出卞城東北卞山之陰尸子曰孔子至於勝母暮矣而不宿於盜泉渴矣而不飲惡其名也故論語撰考諷曰水名盜泉仲尼不嗽卽斯泉矣淮南子曾子立廉不飲盜泉廣成子魯仲連俱見二卷註茗堯喻

其品之高邁。個儻美其才之不羈。三國志管寧德行卓絕。海內無偶。○嘆音例。昔攀六龍飛

今作百鍊鉛。懷恩欲報。主投佩向北燕。彎弓綠弦開

滿月不憚堅。閑騎駿馬獵一射。兩虎穿回旋。若流光

轉背落雙鳶。胡虜三嘆息。兼知五兵權。鎗鎗突雲將

却掩我之妍。多逢勦絕兒。先著祖生鞭。據鞍空矍鑠

壯志竟誰宜。蹉跎復來歸。憂恨坐相煎。無風難破浪

失計長江邊。危苦惜頽光。金波忽三圓。時游敬亭上

閑聽松風眠。或弄宛溪月。虛舟信洄沿。顏公二繆本作三

十萬。盡付酒家錢。興發每取之。聊向醉中仙。過此無

一事。靜談秋水篇。

六龍已詳八卷註百鍊鉛言其柔鉛性不能剛經百鍊則益柔矣表

淑詩投佩出甘泉呂延濟註投佩謂去官也虞世南
詩綠沉明月弦張華詩騰超如激電回旋如流光白
帖後魏托跋翰從太宗游白登東北有雙鳶飛鳴於
上太宗命左右射之莫能中鳶旋飛稍高翰因而自
射之二箭下雙鳶太宗嘉之賜御弓矢以旌之號曰
射鳶都尉鄭康成周禮註鄭司農云五兵者戈及戟
酋矛夷矛又云車之五兵鄭司農所云者是也步卒
之五兵則無夷矛而有弓矢晉書劉琨與祖逖爲友
聞逖被用與親舊書曰吾枕戈待旦志梟逆虜常恐
祖生先吾着鞭其意氣相期如此後漢書馬援披甲
上馬據鞍顧盼以示可用帝笑曰矍鑠哉是翁也宋
書宗慤曰願乘長風破萬里浪李嶠詩窮紀送顏光
漢書月穆穆以金波顏師古註言月光穆穆若金之
波流也李善文選註宣城郡圖經曰敬亭山在宣城
縣北十里南史陶弘景特愛松風庭院皆植松每聞
其響欣然爲樂一統志宛溪在寧國府城東源出嶧
陽山其流清激陶潛詩虛舟縱逸棹謝靈運詩水沙
盡洄沿洄逆水而上也沿順水而下也宋書顏延之
在尋陽與陶潛情欵後爲始安郡經過日日造潛每
住必酣飲致醉臨去畱二萬錢與潛潛悉送酒家稍

孰取酒莊子
有秋水篇
君從九卿來水國有豐年魚鹽滿市井

布帛如雲烟下馬不作威冰壺照清川霜眉邑中叟

皆美太守賢時時慰風俗往往出東田竹馬數小兒

拜迎白鹿前含笑問使君日一作晚可迴旋遂一作

歸池上酌掩抑清風絃曾標橫浮雲一作游下撫謝

眺肩樓高碧海出樹古青蘿懸唐以太常光祿衛尉

司農太府為九卿見通典顏延年詩水國周地險雲

烟多貌陳植詩文錢百億萬采帛若烟雲鮑照詩清

如玉壺冰陸機詩清川含藻影謝朓為宣城太守有

游東田詩後漢書郭伋為并州牧始至行部到西河

美稷有童兒數百各騎竹馬道次迎拜伋問兒曹何

自遠來對曰聞使君到喜故迎伋辭謝之及事訖諸

兒復送至郭外問使君何日當還伋謂別駕從事計

日當告之行部既還先期一日伋為違信於諸兒遂

止於野亭須期乃入藝文類聚謝承後漢書曰鄭弘
 為臨淮太守行春有兩白鹿隨車夾轂而行弘怪問
 主簿黃國鹿為吉凶國拜賀曰聞三公車輻畫作鹿
 明府當為宰相後弘果為太尉謝朓詩已有池上酌
 復此風中琴李周翰註池一酌謂酌酒池
 上也蕭士贇曰曾標言其標致之高也
 光祿紫霞

杯伊昔忝相傳良圖掃沙漠別夢繞旌旄富貴日成

疎願言杳無緣登龍有直道倚玉阻芳筵敢獻繞朝

策思同郭泰船何言一水淺似隔九重天崔生何傲

岸縱酒復談玄身為名公子英才苦逆遭鳴鳳托高

梧凌風何翩翩安知慕群客彈劍拂秋一作蓮後漢書李

膺獨持風裁以聲名自高士有被其容接者名為登

龍門章懷太子註以魚為喻也龍門河水所下之口

在今絳州龍門縣辛氏三秦記曰河津一名龍門水

險不通魚鼈之屬莫能上江海大魚薄集龍門下數

千不得上上則爲龍也世說魏明帝使后弟毛曾與
夏侯京共坐時人謂蒹葭倚玉樹左傳士會乃行繞
朝贈之以策杜預註策馬過臨別授之馬過並示已
所策以展情後漢書郭泰字林宗遊於洛陽始見河
南尹李膺膺大奇之遂相友善於是名震京師後歸
鄉里衣冠諸儒送至河上車數千兩林宗唯與李膺
同舟而濟衆賓望之以爲神仙楚辭園則九重孰營
度之王逸註言天圓而九重孰營度而知之乎十六
國春秋子陵頡頏於光武君平傲岸於蜀肆縱酒縱
適而飲酒也史記田廣與酈生日縱酒晉書符融談
玄論道雖道安無以出之左思詩英雄有速遄由來
自古昔韻會速遄難行不進之貌馬融廣成頌棲鳳
凰於高梧鮑照詩豈念
慕群客咨嗟戀景沉

贈宣城趙太守悅

趙得寶符盛山河功業存三千堂上客出入擁平原
六國揚清風英聲何喧喧大賢茂遠業虎竹光南藩

錯落千丈松虬龍盤古根枝下無俗草所植唯蘭蓀

史記趙世家簡子告諸子曰吾藏寶符於常山上先得者賞諸子馳之常山上求無所得毋卹還曰已得符矣簡子曰奏之母卹曰從常山上臨代代可取也簡子於是知毋卹賢以爲太子簡子卒毋卹代立是爲襄子遂興兵平代地平原君傳平原君趙勝者趙之諸公子也諸子中勝最賢喜賓客賓客蓋至者數千人相趙惠文王及孝成王三去相三復位封於東武城虎竹謂銅虎符竹使符漢時郡守分其半與之詳見五卷塞下曲註東方朔七諫聞南藩樂而欲往王逸註南國諸侯爲天子藩蔽故稱藩也此用其字以稱宣城宣城在南方故曰南藩世說庾子嵩目和嶠森森如千丈松雖磊砢有節目施之大厦有棟梁之用沈約詩今守馥蘭蓀劉良註蘭蓀香草也詩意以千丈松喻平原君蘭蓀喻趙太守謂英豪之後其子孫自多

俊異也 憶在南陽時始承國士恩公爲柱下史脫

繡歸田園伊昔簪白筆幽都逐游魂持斧佐

蕭本
作冠三

軍霜清天北門差池宰兩邑鷄立重飛翻焚香入蘭

臺起草多芳言夔龍一顧重矯翼凌翔鷓赤縣揚雷

聲強項聞至尊驚威摧

蕭本作頽

秀木跡屈道彌敦出牧

歷三郡所居猛獸奔

唐時之南陽郡即鄧州也屬山南東道戰國策豫讓曰智伯以

國士遇臣臣故以國士報之史記張蒼秦時為御史

主柱下方書索隱曰周秦皆有柱下史謂御史也所

掌及侍立恒在殿柱之下故老聃為周柱下史漢書

蒼自秦時為柱下御史通典侍御史於周為柱下史

老聃嘗為之秦時張蒼為御史主柱下方書亦其任

也章懷太子後漢書註武帝置繡衣御史通典魏置

御史八人當大會殿中御史簪白筆側陞而坐帝問

左右此何官何王辛毗曰此為御史舊時簪筆以奏

不法當如今者直備位但駝筆耳淮南子南至交趾

北至幽都漢書天兵四臨幽都先加顏師古註幽都

北方謂匈奴太平寰宇記晉地道記曰幽州因幽都

以為各山海經有幽都之山今列於北荒矣鄭樵爾

雅註幽都卽幽州在今燕北史勅寇游魂於北狡賊
負險於南漢書武帝末軍旅數發郡國盜賊群起繡
衣御史暴勝之使持斧逐捕盜賊以軍興從事誅二
千石以下潘岳詩驅役宰兩邑政績竟無施埋雅鸚
惟好時故每立更不移處所謂鸚立義取諸此漢書
御史中丞在殿中蘭臺掌圖籍秘書外督部刺史內
領侍御史通典御史所居之署後漢以來謂之御史
臺亦謂之蘭臺寺謝朓詩平生一顧重通典大唐縣
有赤畿望緊上中下七等之差京都所治爲赤縣京
之旁邑爲畿縣其餘則以戶口多少資地美惡爲差
胡三省通鑑註唐制凡置都其郭下縣爲赤縣餘縣
爲畿縣通鑑辯誤唐之西京以長安萬年爲赤縣東
都以河南洛陽爲赤縣後漢書董宣爲洛陽令時湖
陽公主蒼頭白日殺人因匿王家吏不能得及主出
行而以奴驂乘宣於夏門亭候之叱奴下車因格殺
之主卽還宮訴帝帝使宣叩頭謝主宣不從強使頓
之宣兩手據地終不肯俯帝因救強項令出荀子天
子者勢位至尊無敵於天下陸機詩驚飈寡反信李
康運命論木秀於林風必摧之陳子昂詩清淨道彌
敦後漢書劉昆遷弘農太守先是崑黽驛道多虎災

行旅不通昆為政三年仁化大行虎
皆負子渡河庾信詩昆陽猛獸奔
遷人同衛鶴謬

上懿公軒自笑東郭履側慚狐白温閑吟步竹石精

義忘朝昏顛顛成醜士風雲何足論獼猴騎土牛羸

馬夾雙轅願借羲和蕭本景為人照覆盆溟海不震

蕭本蕭本蕩何由縱鵬鯤所期要津日蕭本作倜儻假騰

騫左傳衛懿公好鶴鶴有乘軒者杜預註軒大夫車

也孔穎達正義服虔曰車有藩曰軒史記東郭先

生久待詔公車貧困飢寒衣敝履不完行雪中履有

上無下足盡踐地道中人笑之東郭先生應之曰誰

能履行雪中令人視之其上履也其履下處乃似人
足者乎王微詩詎憶無衣苦但知狐白温呂向註狐
白謂狐腋之白毛以為裘也陸機詩玄冕無醜士三
國志註世語曰司馬宣王辟周泰頻喪考妣祖九
年居喪宣王留缺待之至三十六日擢為新城太守
宣王為泰會使尚書鍾繇調泰君釋褐登宰府三十

六日擢麾蓋守兵馬郡乞兒乘小車一何駛乎秦曰
誠有此君名公之子少有文采故守吏職獼猴騎士
士又何遲也廣雅曰御謂之義和抱朴子是責三光
不照覆盆之內也列子終髮之北有溟海者天池也
有魚焉其廣數千里其長稱焉其名爲鯤有鳥焉其
名爲鵬翼若垂天之雲其體稱焉世豈知有此物哉
大禹行而見之伯益知而名之夷堅聞而識之古詩
何不策高足先據要路津呂向註要路津謂仕官居
要職者亦如進高足居於要津

贈從弟宣州長史昭

按宣州在唐爲上州上州之長史爲從五品官

淮南

一作北

望江南千里碧山對我行倦

一作盡

過之半

落青天外宗英佐雄郡水陸相控帶長川豁中流千
里瀉吳會君心亦如此包納無小大搖筆起風霜推
誠結仁愛訟庭垂桃李賓館羅軒蓋何意蒼梧雲飄

然忽相會才將聖不偶命與時俱背獨立山海間空

老聖明代知音不易得撫劍增感慨繆本作當結九萬

期中途莫先退唐時之淮南道江南道皆古揚州之境中隔一江江之北為淮南江之南

為江南漢書河間賢明禮樂是修為漢宗英三國志孫賁傳時策已平吳會二郡又朱桓傳使部伍吳會

二郡知吳會者是吳郡與會稽也然此詩所稱吳會專指吳地而言蓋在春秋戰國時為吳國在秦漢為

會稽郡後又分為吳郡合而言之曰吳會也歸藏啟筮曰有白雲出自蒼梧入於大梁莊子搏扶搖羊角

而上者九萬里○吳會之會古外切音贈相會之會本音

於五松山贈南陵常贊府南陵縣唐時隸江南西道之宣州一統志

五松山在池州銅陵縣南五里銅陵在唐為南陵縣之銅官治南唐時始分置銅陵縣隸昇州

宋改隸池州容齋隨筆

唐人呼縣丞為贊府

爲草當作蘭。爲木常作松。蘭幽

繆本作秋

香風遠。松寒不

改容。松蘭相因依。蕭艾徒丰茸。雞與雞並食。鸞與鸞

同枝。棟珠去沙礫。但有珠相隨。遠客投名賢。真堪寫

懷抱。若惜方寸心。待誰可傾倒。虞卿棄趙相。便與魏

齊行海上。五百人同日死。田橫當時不好賢。豈傳千

古名。願君同心人。於我少畱情。寂寂還寂寂。出門迷

所適。長鋏歸來乎。

繆本作長劍歸乎來。一作長劍歌歸來。

秋風思歸客

謝靈運詩。蕭裨相因依。長門賦。羅丰茸之游樹。李善

註。丰茸。衆飾貌。說文。礫。小石也。謝靈運詩。歡娛寫懷

抱史記。范睢傳。秦昭王遣趙王書曰。范君之仇。魏齊

在平原君之家。王使人疾持其頭來。不然。吾舉兵而

伐趙。趙孝成王乃發卒圍平原君家。急魏齊夜亡。出

見趙相虞卿。虞卿度趙王終不可說。乃解其相印與

魏齊亡又田儵傳漢滅項籍立爲皇帝田橫與其徒屬五百餘人入海居島中高帝聞之以爲田橫兄弟本定齊齊人賢者多附焉今在海中不收恐後爲亂乃使使赦田橫罪而召之橫乃與其客二人乘傳詣洛陽未至三十里至尸聊廐置自到令客奉其頭從使者馳奏之高帝爲之流涕拜其二客爲都尉發卒二千人以王者禮葬田橫既葬二客穿其塚旁孔皆自到下從之高帝聞之乃大驚以田橫之客皆賢吾聞其餘尚五百人在海中使使召之至則聞田橫死亦皆自殺於是乃知田橫能得士也戰國策齊人有馮煖者貧乏不能自存使人屬孟嘗君願寄食門下左右以君賤之也食以草具居有頃倚柱彈其劍歌曰長鋏歸來乎食無魚孟嘗君曰食之比門下之客居有須復彈其鋏歌曰長鋏歸來乎出無車孟嘗君曰爲之駕比門下之車客後有頃復彈其劍鋏歌曰長鋏歸來乎無以爲家孟嘗君使人給其食用無所乏○葺音戎磔音力

自梁園至敬亭山見會公談陵陽山水兼期同

游因有此贈

一統志梁園在開封府城東南一名梁苑漢梁孝王游賞之地敬亭

山在寧國府城北十里江南通志陵陽山自石埭縣西北迤邐而來三峰連亘東接宣州西二

峰下有黃鶴池昔竇子明跨鶴飛昇於此有丹池卽子明鍊丹處

我隨秋風來。瑤草恐衰歇。中途寡名山。安得弄雲月。

渡江如昨日。黃葉向人飛。敬亭愜素尚。弭棹流清輝。

冰谷明且秀。陵巒抱江城。粲粲吳與史。衣冠耀天京。

水國饒英奇。潛光臥幽草。會公真名僧。所在卽爲寶。

開堂振白拂。高論橫青雲。雪山掃粉壁。墨客多新文。

爲余話幽棲。且述陵陽美。天開白龍潭。月映清秋水。

黃山望石柱。突兀誰開張。

一作白柱。插星漢。西崖誰開張。

黃鶴久不

來子安在蒼茫東南焉可窮山鳥飛絕處

繆本作山鳥絕飛處

一作猿狖絕行處

稠疊千萬峰相連入雲去聞此期振策歸

來空閉闕相思如明月可望不可攀何當移白足早

晚凌蒼山且寄一書札令予解愁顏

江淹詩瑤草正翕絕張載詩下

車如昨日江淹詩弭棹阻風雪李善註弭止也范雲詩岱山饒靈異水國富英奇後漢書南山四皓有園公夏黃公潛光隱耀世嘉其高十六國春秋佛圖澄天竺人也本姓帛氏少出家清真務學誦經數百萬言石虎傾心事澄乃下書曰和尚國之大寶榮爵不加高祿不受榮祿匪顧何以旌德法華經手執白拂侍立左右雪山掃粉壁謂畫雪山於粉壁之上墨客多新文謂文墨之客多以新文贊美之會公蓋工於繪事者也宋書幽棲穹谷外緣兩絕楊齊賢曰白龍潭在宣州世傳寶子明棄官學道釣得白龍放之於此因名白龍潭江南通志黃山在徽州歙縣西北二百八十里寧國府太平縣南三十里山當二郡之界

高一千三百七十丈盤互三百里舊名黠山唐天寶
間勅改今名以圖經稱爲軒轅棲真之所故也上多
台木靈藥其泉香美清溫冬夏不變沐浴飲之百疾
皆愈有三十六峯三十六泉石柱山在寧國府旌德
縣西六十里雙石挺立而一巨石承之名豹子尖列
仙傳陵陽子明者鍾鄉人也好釣魚於旋溪釣得白
龍子明懼解釣拜而放之後得白魚腹中有書教子
明服食之法子明遂上黃山採五石脂沸水而服之
三年龍來迎去止陵陽山上百餘年山去地千餘文
大呼山下人令上山半告言溪中子安當來問子明
釣車在否後二十餘年子安死人取葬石山下有黃
鶴來棲其塚邊樹鳴呼子安云陸機詩振策涉崇邱
安轡遵平莽張銑註振舉也策鞭也法苑珠林前魏
太武帝時沙門曇始甚有神異常坐不臥五十餘年足
不躡履跣行泥穢中奮足便淨色白如面俗呼曰白
足阿練古詩客從遠方來遺我一書札張銑註札筆
也琦按顏師古漢書註札木簡之薄小者也
古時未有紙故書於札以爲筆者恐未是

贈友人三首

蘭生不當戶。別是閑庭草。夙被霜露欺。紅榮已先老。
謬接瑤華枝。結根君王池。顧無馨香美。叨沐清風吹。
餘芳若可佩。卒歲長相隨。陳琳詩嘉木凋綠葉芳草
殲紅榮楚辭折疎麻兮瑤
華王逸註瑤華玉華也古詩冉冉孤生竹
結根泰山阿史記優哉游哉維以卒歲

其二

袖中趙七首買自徐夫人玉匣閉霜雪經燕復歷秦
其事竟不捷淪落歸沙塵持此願投贈與君同急難

一作荆卿一去後壯士多摧殘長號易水上爲我揚

歲寒波瀾鑿井當及泉張帆當濟川廉夫惟重義駿馬不

勞鞭。人生貴相知。何必金與錢。史記太子豫求天下
之利七首得趙人徐

夫人七首取之百金乃裝爲遣荆卿索隱曰徐姓夫人名謂男子也餘詳四卷結客少年場註西京雜記高祖斬白蛇劍刃上常如霜雪

其三

慢世薄功業非無曾中畫
謔浪萬古賢以爲兒童劇
立產如廣費匡君懷長策
但苦山北寒誰知道南宅
歲酒上逐風霜鬢兩邊
白蜀王思孔明家望安石
時來蕭本作人列五鼎談笑期一擲
虎伏避胡塵漁歌游海濱
弊裘恥妻嫂長劍託交親
夫子秉家義群公難

與鄰莫持西江水空許東溟臣
他日青雲去黃金報

主人

嵇康司馬相如贊長卿慢世越禮自放詩國風
諱浪笑敖三國志孫策與周瑜同年獨相友善

瑜推道南大宅以舍策升堂拜母有無通共梁元帝
詩灘聲下濺石猿鳴土遂風又云長條垂拂地輕花
上逐風諸葛孔明詳見九卷註謝安石詳見七卷註
劉孝標辨命論開東閣列五鼎漢書音義張晏曰五
鼎食牛羊豕魚麋也諸侯五卿大夫三戰國策蘇秦
說秦王說十上而說不行黑貂之裘敝去秦而歸至
家妻不下絀嫂不爲炊父母不與言長劍託交親用
馮煖事詳見本卷註莊子莊周家貧往貸粟於監河
侯監河侯曰諾我將得邑金將貸子三百金可乎莊
周曰周昨來有中道而呼者周顧視車轍中有鮒魚
焉周問之曰鮒魚來子何爲者耶對曰我東海之波
臣也君豈有升斗之水而活我哉周曰諾我且南游
吳越之王激西江之水而迎子可乎鮒魚忿然作色
曰吾失我常與我無所處吾得升斗之水然活耳君
乃言此曾不如早索我於枯魚之肆

陳情贈友人

延陵有寶劍價重千黃金觀風歷上國暗許故人深

歸來挂墳松萬古知其心懦夫感達節壯士激青衿

繆本作壯鮑生薦夷吾一舉致齊相斯人無良朋豈

有青雲望臨財不苟取推分固辭讓後世稱其賢英

風邈難尚論交但若此有當作道孰云喪多君聘逸

藻掩映當時人舒文振頽波秉德冠彝倫卜居乃此

地共井為比鄰清琴弄雲月美酒娛冬春薄德中見

捐忽之如遺塵英豪未豹變自古多艱辛他人縱以

疎君意宜獨親奈何成離居相去復幾許飄風吹雲

霓蔽目不得語投珠冀有蕭本作相報按劍恐相拒所思

采芳蘭欲贈隔荆一作渚沉憂心若醉積恨淚如雨

願假東璧輝餘光照貧女

新序延陵季子將西聘晉帶寶劍以過徐君徐君觀

劍不言而色欲之季子爲有上國之使未獻也然其心許之矣致使於晉顧反則徐君死於楚於是脫劍致之嗣君從者止之曰此吳國之寶非所以贈也延陵季子曰先日吾來徐君觀吾劍不言而其色欲之吾爲有上國之使未獻也雖然吾心許之矣今死而不進是欺心也愛劍僞心廉者不爲也遂脫劍致之嗣君嗣君曰先君無命孤不敢受劍於是季子以劍帶徐君墓樹而去徐人嘉而歌之曰延陵季子兮不忘故脫千金之劍兮挂墳墓鮑照詩我方歷上國詩國風青青子衿毛傳曰青衿青領也學子之所服史記管仲夷吾者穎上人也少時嘗與鮑叔牙遊鮑叔知其賢管仲貧困常欺鮑叔鮑叔終善遇之不以爲言已而鮑叔事齊公子小白管仲事公子糾及小白立爲桓公公糾死管仲囚焉鮑叔進管仲管仲既用在政於齊齊桓公以霸九合諸侯一匡天下管仲曰吾始困時常與鮑叔賈分財利多自與鮑叔不以我爲貪知我貧也徐勉詩壯思如泉湧逸藻似雲翔顏延年詩舒文廣國華張銑註舒其文章周禮大司

徒職云五家爲比遂人職云五家爲鄰鄭玄註鄭司
農云田野之居其比伍之名與國中異制故五家爲
鄰京謂異其名者示相變耳釋名五家爲伍以五爲
名也又謂之鄰鄰連也相連接也又曰比相親比也
漢書徙入舍祭竈請比鄰周易君子豹變古詩同心
而離居離騷飄飄風屯其相離兮帥雲霓而來御王逸
註回風爲飄飄風無常之風以興邪惡之象也雲霓
惡氣也以喻佞人史記明月之珠夜光之璧以闇投
人於道路人無不按劍相眦者何則無因而至前也
陸機詩沉憂萃我心張銑註沉深也詩國風行邁靡
靡中心如醉魏武帝詩惋嘆淚如兩列女傳齊女徐
吾者齊東海上貧婦人也與鄰婦李吾之屬會燭相
從夜績徐吾最貧而燭數不屬李吾謂其屬曰徐吾
燭數不屬請無與夜徐吾曰一室之中益一人燭不
爲暗損一人燭不爲明何愛東壁之餘光不使貧女
得蒙見愛之恩長爲妾役之事使諸君常有惠施於
妾不亦可乎李吾莫能
應遂復與夜終無後言

贈從弟列

楚人不識鳳重

一作高

價求山雞獻王昔云是今來方

覺迷自居漆園北

蕭本作地

久別

蕭本作識

咸陽西風飄落日

去節變流鶯啼桃李寒未開幽閣豈來蹊逢君發花

萼若與青雲齊及此桑葉綠春蠶起中閨日出布

本繆

作

穀鳴田家擁鋤犁顧余乏尺土東作誰相攜傅說

降霖雨公輸造雲梯羌戎事未息君子悲塗泥報國

有長策成功羞執珪無由謂明王杖策還蓬藜他年

爾相訪知我在磻溪

太平廣記楚人有擔山雞者路

鳳也路人曰我聞鳳鳳久矣今真見之汝賣之乎曰

然乃酬千金弗與請加倍乃與之方將獻楚王經宿而鳥死路人不遑恤其金惟恨不得以獻王國人傳之咸以為真鳳而貴宜欲獻之遂聞於楚王王感其

欲獻已也名而厚賜之過買鳳之價十倍出笑林太
 平寰宇記漆園城在曹州冤句縣北五十里莊周為
 吏之所城北有莊周釣臺又濠州定遠縣有漆園在
 縣東三十里其地東西南北約方三百步唐天寶中
 尚有漆樹一二十株野火燔燒其樹在故縣村西一
 百步即楚國莊周為吏之處今為隴畝一窺志漆園
 在鳳翔府定遠縣東三十里即莊生為吏之處又云
 漆園城在山東曹縣西北五十里莊生為漆園吏即
 此又云漆園城在大名府東明廢縣東北二十里今
 名漆園村內有莊子廟蓋莊周為吏之所據二書漆
 園有三此所云者當指曹州漆園也史記桃李不言
 下自成蹊何遜詩伊我念幽關夫君思贊務謝瞻詩
 花萼相光飾呂延濟註花萼喻兄弟也禽經鳴鳩戴
 勝布穀也張華註揚雄曰鳴鳩戴勝生樹穴中不巢
 生爾雅曰鷦鷯戴勝即首上勝也頭上尾起故曰戴
 勝農事方起此鳥飛鳴於桑間云五穀可布種也故
 曰布穀又云此鳥鳴時耕事方作農人以爲候廣韻
 鋤田器也犁墾田器也尚書平秩東作孔安國傳歲
 起於東而始就耕謂之東作漢書方東作時應劭註
 東作耕也顏師古註春位在東耕者始作故曰東作

尚書說命若歲大旱用汝作霖雨淮南子公輸天下
之巧士作雲梯之械設以攻宋高誘註雲梯攻城具
高長上與雲齊故曰雲梯左傳使吾子辱在泥塗久
矣呂氏春秋得伍員者爵執圭高誘註周禮侯執信
圭言爵之爲侯也又高誘淮南子註楚爵功臣賜以
圭謂之執圭比附庸之君也漢書遷爲執圭張晏註
侯伯執珪以朝位比之後漢書遂杖策歸鄉里水經
註磻溪中有泉謂之茲泉泉水潭積自成淵渚卽呂
氏春秋所謂太公釣茲泉也今人謂之凡谷石壁深
高幽篁邃密林障秀阻人迹罕及東南隅有石室蓋
太公所居也水流次平石釣處卽太公垂釣之所其
投竿跪餌兩膝遺跡猶存是有磻溪之稱也其水清
冷神異北流十二里注於渭通典扶風郡
號縣有磻溪太公釣魚於此○磻音盤

贈閻邱處士

賢人有素業。乃在沙塘陂。竹影掃秋月。荷衣霏玉本
作花

落古池。閑讀山海經。散帙臥遙帷。且耽田家樂。遂曠

一作
廣 林中期野酌勸芳酒園蔬烹露葵如能樹桃李

爲我結茅茨江南通志沙塘陂在宿松城外唐閻邱處士策別業於此李太白有詩贈之云

云吳越春秋禹巡行四瀆與益夔共謀行到名山大

澤召其神而問之山川脉理金玉所有鳥獸昆蟲之

類及八方之民俗殊國異域土地里數使益疏而記

之名之曰山海經謝靈運詩散帙問所知劉良註散

帙謂開書帙也說文帙書衣也按古時書卷必有帙

包之如褱袂之類或以細竹爲簾襲以薄繒藏古書

畫家尚存此製江淹詩汎瑟臥遙帷宋玉諷賦炊彫

胡之飯烹露葵之羹爾雅翼古者葵稱露葵今摘葵

必待露解語曰觸露不搯葵日中不剪韭各有宜也

按本草葵一名露葵今謂之滑菜古人以爲常饌四

時皆可食六七月種者爲秋葵八九月種者爲冬葵

正二月種者爲春葵有紫莖白莖二種大葉小花花

紫黃色其實大如指頭皮薄而扁今人不復食種者

亦鮮漢書茅茨不翦顏師古註屋蓋曰茨茅茨以茅

覆屋也釋名屋以草蓋曰茨茨

次也次草爲之也○帙音姪

贈錢徵君少陽

一作送趙雲卿

白玉一杯酒。綠傷三月時。春風餘幾日。兩鬢各成絲。

秉燭唯須飲。投竿也未遲。如逢渭水

詩本

獵猶可帝

王師

古詩晝短苦夜長何不秉燭遊投竿謂投竿於水而釣也周文王獵於渭水之陽遇太公望載

與俱歸立為師見四卷註揚齊賢曰少陽年八十餘故方之太公

贈宣州靈源寺仲

繆本

濟公

敬亭白雲氣秀色連蒼梧。下映雙溪水如天。落鏡湖

此中積龍象。獨許濬公殊。風韻逸江左。文章動海隅。

觀

一作

心同水月解。領得明珠今日逢。支遁高談出

有無

敬亭山蒼梧白雲已見本卷註一統志雙溪在寧國府城下二水合流釋子中能負荷大法者

謂之龍象翻譯名義大論云那伽或名龍或名象是
五千阿羅漢諸羅漢中最大力以是故言如龍如象
水行中龍力最大陸行中象力最大中阿舍經佛告
邬陀夷若沙門等從人至天不以身口意害我說彼
是龍象胡三省通鑑註江郢揚南徐之地爲江左豫
南兗南豫之地爲江右通雅金陵居長江下流前朝
有江南者皆都之據金陵而言則江南居左尚書海
隅日出罔不率俾水月謂水中月影非有非無了不
可執慧者觀心亦復如是解頴解悟也明珠喻菩提
大道也晉書沙門支遁以清談著名於時風流勝貴
莫不崇敬以爲造微之功足參諸正始僧肇維摩詰
經註不可得而有不可得而無者其唯大乘行乎欲
言其有無相無名欲言其無萬德斯行萬德斯行故
雖無而有無相無名故雖有而無然則言有不乖無
言無不乖有或說有行或說無行
有無雖殊其致一也○濬音峻

贈僧朝美

水客凌洪波長鯨湧溟海百川隨龍舟噓吸

繆本竟作噓

安在中有不死者探得明月珠高價傾宇宙餘輝照

江湖苞卷金縷褶蕭然若空無誰人識此寶竊笑有

狂夫了心何言說各勉黃金軀吳都賦長鯨吞航修鯢吐浪劉淵林註異

物志曰鯨魚長者數千里小者數十丈雄曰鯨雌曰

鯢或死於沙上得之者皆無目俗言其目化為明月

珠水經註北眺巨海杳冥無極天際兩分白黑方別

所謂溟海者也海賦魚則橫海之鯨窾兀孤遊茹鱗

甲吞龍舟喙波則洪連踈踏吹澇則百川倒流淮南

子龍舟鷁首浮吹以娛高誘註龍舟大舟也刻為龍

文以為飾也隋書波斯多金縷織成榜嚴經汝之心

靈一切明了若汝現成所明了心實在身內謝朓詩

遂鑠黃金軀陳子昂詩之子黃金軀如何此荒域○

詩言木客泛舟大海舟為長鯨所噓吸遂遭溺沒其

中乃有不死者反於海中得明月之珠卷而藏之不

自眩耀人亦不識以喻人在煩惱海中為一切嗜慾

所汨沒醉生夢死飄流無極乃其中有不昧本來者

反於煩惱海中悟得如來法寶其價則傾平宇宙其

光則照乎江湖卷而懷之不自以為有而若空無者
然人皆不能識此寶而唯我能識之夫心既明了更
無言說可以酬對唯有勸勉珍重此軀而已蓋人身
難得六道之中以人道為最是此軀之重等於黃金
未可輕忽故曰各勉黃金軀也又按後漢書西方有
神名曰佛其形長丈六尺而黃金色各勉黃金軀者
是勉以修道
成佛之意

贈僧行融

梁有

繆本作日

湯惠休常從鮑照游峨眉史懷一獨映陳

公出卓絕二道人結交鳳與麟行融亦俊發吾知有

英骨海若不隱珠驪龍吐明月大海乘虛舟隨波任

安流賦詩旃檀閣縱酒鸚鵡洲待我適東越相攜上

棧樓

宋書時有沙門釋惠休善屬文辭采綺艷徐湛之與之厚善世祖命使還俗本姓湯位至揚州

從事史鮑照有秋日示休上人及蒼休上人諸詩盧
藏用陳子昂別傳友人趙貞固鳳閣舍人陸餘慶殿
中侍御史畢構監察御史王無兢亳州長史房融右
史崔泰之處士郭襲徽道人史懷一皆篤歲寒之交
崔顥贈懷一上人詩法師東南秀世實豪家子削髮
十二年誦經峨嵋裏是史懷一為峨嵋僧也三國志
管寧德行卓絕海內無偶西京賦海若游乎玄渚薛
綜註海若海神也莊子夫千金之珠必在九重之淵
而驪龍頷下陸德明註驪龍黑龍也謝靈運詩溟漲
無端倪虛舟有超越李周翰註輕舟而進曰虛舟沈
佺期香山寺詩旃檀曉閣金輿度鸚鵡晴林綵仗分
元和郡縣志鸚鵡洲在鄂州江夏縣西南二里東越
卽會稽也施宿會稽志府城臥龍山南舊傳有白樓
亭今遺趾無所考詩用支道林事詳見十卷贈僧崖
公註○

驪音離

贈黃山胡公求白鵬

并序○張華禽經註白鵬似山雞而色白行止閑暇

黃山志白鵬性耿介難畜雄采而文素角玄英
二角壯時隆起由英上有時靡縮蓋因氣鼓而

後壯也。鶻爪皆赤，其羽末黑，文如酒斝，若緣袈。又如界地錦，惟尾安二莖，無緇文，班如也。志中亦載李白向黃山胡公求白鵬事，以胡公名暉，未詳何據，存之以廣異聞。

聞黃山胡公有雙白鵬，蓋是家雞所伏，自小馴狎，了無驚猜，以其名呼之，皆就掌取食，然此鳥耿介，尤難畜之。予平生酷好，竟莫能致，而胡公輒贈於

我，唯求一詩聞之，欣然適會宿意，因援筆三叫文

不加點以贈之。

郭璞爾雅註以筆滅字爲點，南史劉儒嘗在御座爲李賦受詔便成

文不加點

請以雙白璧買君雙白鵬，白鵬白如錦，白雪恥容顏。
漁影玉潭裏，刷毛琪樹間。夜棲寒月靜，朝步落花閑。

我願得此鳥翫之坐碧山胡公能輟贈籠寄野人還
孔穎達禮記正義素錦白錦也白鷗毛羽白質黑邊
有似錦文故曰白如錦虞騫詩泠泠玉潭水山海經
崑崙之墟
北有琪樹

登敬亭山南望懷古贈竇主簿

敬亭一迴首目盡天南端仙者五六人常聞此遊盤
谿流琴高水石聳麻姑壇白龍降陵陽黃鶴呼子安
羽化騎日月雲行翼鴛鸞下視宇宙間四溟皆波瀾
汰繆本作決絕目下事從之復何難百歲落半途前期浩
漫漫強食不成味清晨起長歎願隨子明去鍊火燒

金丹

元和郡縣志敬亭山在宣州宣城縣北十二里
卽謝朓賦詩之所阮籍詩仙者四五人逍遙宴

蘭房江南通志琴高山在寧國府涇縣北二十里昔
 琴高於此山修煉得道故名有隱雨巖是其控鯉上
 昇之所巖下有煉丹洞洞旁有釣臺臺下流水即琴
 溪也每歲上已前後數日溪中出小魚謂之琴魚傳
 為仙人藥渣所化九域志宣州宣城郡有花姑山亦
 謂之麻姑山昔麻姑修道於此上昇有仙壇在焉江
 南通志麻姑山在寧國府城東三十五里峯巒奇秀
 作鎮郡東昔麻姑修道於此颺舉有仙壇丹竈劍池
 石碁枰釣魚臺天游亭諸跡水經註水出陽陵山下
 徑陵陽縣西為旋溪水昔縣人陽子明釣得白龍處
 後三年龍迎子明上陵陽山山去地千餘丈後百餘
 年呼山下人令上山半與語谿中子安問子明釣車
 所在後二十年子安死山下有黃鶴栖其塚樹常鳴
 呼子安莊子乘雲氣騎日月而游乎四海之外張協
 詩雨足酒四溟李善註四溟四海也曹植詩盛年處
 房室中夜起長嘆抱朴子夫金丹之為物燒之愈久
 變化愈妙黃金入火百鍊不消埋之畢天不朽服此
 二藥鍊人身體故能令人不老不死一統志丹臺在
 陵陽山中峰之半平夷可容數
 人相傳竇子明嘗煉丹其上

經亂後將避地剡中留贈崔宣城

剡中卽剡縣唐時爲越州

會稽郡之屬邑隸江南東道宣城縣爲宣州宣城郡之屬邑隸江南西道

雙鵝飛洛陽五馬渡江徼何意上京門胡雛更長嘯

中原走豺虎烈火焚宗廟太白晝經天頽陽掩餘照

王城皆蕩覆世路成奔峭四海望長安嘔眉寡西笑

蒼生疑落葉白骨空相弔連兵似雪山破敵誰能料

我垂北溟翼且學南山豹崔子賢主人歡娛每相召

胡牀紫玉笛却坐青雲叫楊花滿州城置酒同臨眺

忽思剡溪去水石遠清妙雪晝天地明風開湖山貌

闕爲洛生詠醉發吳越調赤霞動金光日足森海嶠

獨散萬古意閑垂一溪釣猿近天上啼人移月邊棹

無以墨綬苦來求丹砂要華髮長折腰將貽陶公誚

晉書五行志孝懷帝永嘉元年二月洛陽東北步廣

里地陷有蒼白二色鵝出蒼者飛翔冲天白者止焉

陳留董養曰步廣周之狄泉盟會地也白者金色國

之行也蒼為胡象其可盡言乎是後劉元海石勒相

繼亂華太安中童謡曰五馬游渡江一馬化為龍後

中原大亂宗藩多絕惟琅琊汝南西陽南頓彭城同

至江東而元帝嗣統矣史記索隱張揖云徼塞也以

木柵水為蠻夷界顏師古漢書註徼猶塞也東北謂

之塞西南謂之徼塞者以障塞為名徼者取徼遮之

義晉書石勒年十四隨邑人行販洛陽倚肅上東門

王衍見而異之顧謂左右曰向者胡雛吾觀其聲視

有奇志恐將為天下之患張載詩季葉喪亂起盜賊

如豺虎唐書安祿山陷兩京宗廟皆焚毀漢書太白

經天天下革政孟康註謂出東入西出西入東也太

白陰星出東當伏東出西當伏西過午為經天晉灼

註日陽也日出則星亡晝見午上為經天文獻通考

肅宗至德三載七月己酉太白晝見經天至於十一月戊午初見歷秦蜀楚鄭宋燕之分謝瞻詩頽陽照通津夕陰暖平陸頽陽落日也藝文類聚桓譚新論曰關東鄙語曰人聞長安樂出門向西笑後漢書舉首頓眉之威漢書欲令久連兵無決列女傳南山有玄豹霧雨七日而不下食者何也欲以澤其毛而成文章也故藏而遠害王粲詩願我賢主人與天享巍胡三省通鑑註胡牀今謂之交牀其制本自虜來隋惡胡字改曰交牀唐猶謂之胡牀今之交椅是也十六國春秋涼州人胡據盜發張駿墓得赤玉簫紫玉笛薛方山浙江通志刻溪在紹興府嵒縣南一名戴溪溪有二源一出天台一出武義西南流至東陽入剡南北流入上虞界以達於江晉王徽之雪夜由此溪訪戴逵世說人問顧長康何以不作洛生咏荅曰何至作老婢聲劉孝標註洛下書生咏音重濁故云老婢聲釋名山銳而長曰嶠賈公彥周禮疏漢法丞相中二千石金印紫綬御史大夫二千石銀印綬縣令六百石銅印墨綬南史陶潛為彭澤令郡遣督郵至縣吏白應束帶見之潛嘆曰我不能為五斗采折腰向鄉里小人即日解印綬去職賦歸去來以

遂其志○
徽音教

獻從叔當塗宰陽冰唐江南西道宣州有當塗縣宜和書譜李陽冰字少

溫趙郡人官至將作少監善詞章畱心小篆迨

三十年初見李斯嶧山碑與仲尼延陵季子字

遂得其法乃能變化開合自名一家推原字學

作筆法論以別其點畫又嘗立說謂於天地山

川得其方員流峙之形於日月星辰得其經緯

昭回之度近取諸身遠取萬類幽至鬼神情狀

細至於喜怒之舒慘莫不畢載後人不足以明

此於是誤謬滋多義理掃地雖李斯之博雅以

東為東蔡邕之知書以豐作豐故孔壁之餘文
汲冢之舊簡所存無幾幸天未喪斯文宗旨在
已其自許慎至是作刑定說文三十卷以紀其
學人指以為蒼頡後身方時顏真卿以書名世
真卿書碑必得陽冰題其額欲以擅連璧之美
蓋其篆法妙天下如此議者以蟲蝕鳥跡語其
形風行雨集語其勢太阿龍泉語其利嵩高華
岳語其峻實不為過論有唐三百年以篆稱者

唯陽水
獨步

金鏡霾六國亡新亂天經焉知高光起自有羽翼生

蕭曹安岷岷耿賈摧機槍吾家有季父傑出聖代英

雖無三台位不借

蕭本作惜

四豪名激昂風雲氣終協龍

虎精弱冠燕趙來賢彥多逢迎魯連善

繆本作檀

談笑季

布折公卿

北堂書鈔尚書考靈曜云秦失金鏡魚目入珠註曰金鏡喻明道也漢書王莽以戊

辰直定即真天子位定有天下之號曰新後漢書亡

新後僭漸以即真莊子亂天之經逆物之情蕭何曹

參佐漢高以平天下耿弇賈復輔光武以定亂離岷

岷不安也詳三卷註中爾雅葦星為檣槍郭璞註亦

謂之亭言其形亭亭如帝葦春秋含漢亭三公在天
法三台九卿法北斗漢書列國公子魏有信陵趙有
平原齊有孟嘗楚有春申皆藉王公之勢競為游依
雞鳴狗盜無不賓禮皆以取重諸侯顯名天下搯擊

而游談者以四豪爲稱首周易雲從龍風從虎孔穎
達正義龍是水畜雲是水氣故龍吟則景雲出是雲
從龍也虎是威猛之獸風是震動之氣亦是同類相
感故虎嘯則谷風生是風從虎也禮記二十日弱冠
孔穎達正義二十成人初加冠禮體猶未壯故曰弱
也左大冲詩吾慕魯仲連談笑却秦軍詳見二卷註
史記單于嘗爲書嫚呂后呂后大怒召諸將議之上
將軍樊噲曰臣願得十萬衆橫行匈奴中諸將皆阿
呂后意曰然季布曰樊噲可斬也夫高帝將兵四十
餘萬衆困於平城今噲奈何以十萬衆橫行匈奴中
面欺且秦以事於胡陳勝等起今瘡痍未瘳噲又面
諛欲動搖天下是時殿上皆恐太后罷朝遂不復議
擊匈奴事○霾音埋攬初銜
切插平聲音同攬槍音撐

遙知禮數絕常恐不合

并惕想結宵夢素心久已冥顧慙青雲器謬奉玉樽

傾山陽五百年綠竹忽再榮高歌振林木大笑喧雷

霆落筆灑篆文崩雲使人驚吐辭又炳煥五色羅華

星秀句滿江國。高才揆天庭。

任昉詩平生禮數絕式瞻在國楨李周翰註禮

數絕謂交道相得雖品命有異不為禮數王粲詩何

懼不合并顏延年詩仲容青雲器江淹詩共惜玉樽

暮三國志註魏氏春秋曰嵇康寓居河內之山陽縣

與陳留阮藉河內山濤河南向秀藉兄子咸琅邪王

戎沛人劉伶相與友善游於竹林號為七賢按阮藉

叔姪與嵇康為竹林之遊不知是何年而康之死在

魏景元二年以後順數而下至唐肅宗上元二年共

得五百年竹林之游相去亦不過在此時博物志薛

譚學謳於秦青未窮青之旨遂辭歸秦青乃餞於郊

衢撫節悲歌聲振林木響還行雲鮑照飛白書勢銘

輕如游霧重似崩雲昭明太子錦帶書筆陣引崩雲

之勢魏文帝詩丹霞夾明月華星出雲間上天垂光

彰五色一何鮮蜀都賦擣藻揆天庭呂宰邑艱難時

向註揆猶蓋也○揆舒瞻初閔去聲

浮雲空古城居人若薙草掃地無纖莖惠澤及飛走

農夫盡歸耕廣漢水萬里長流玉琴聲雅頌播吳越

還如太階平

說文雍除草也陳書兩藩毗庶掃地無遺宋書政事修理惠澤沾被後漢書恩

信寬澤仁及飛走詩國風漢之廣矣不可咏思稱漢

水曰廣漢本此而非隴西之廣漢郡也當塗之江與

漢水殊遠然漢水之下流亦由當塗而過詩意取子

賤彈琴而單父治之意謂玉琴之聲與長流萬里漢

水之聲相應蓋亦倒裝句法也太階平

詳見一卷明堂賦註○雍音雉又音替 小子別金陵

來時白下亭群鳳憐客鳥差池相哀

霏玉本作愛

鳴各拔

五色毛意重太山輕贈微所費廣斗水澆長鯨彈劍

歌苦寒嚴風起前楹月啣天門曉霜落牛渚清長嘆

即歸路臨川空屏營

圖經白下亭在上元縣北景定建康志舊志白下亭驛亭也舊

在城東門外李白獻從叔當塗宰陽冰詩曰小子別

金陵來時曰下亭留別金陵諸公詩曰五月金陵西

祖子白下亭又云驛亭三楊樹正當白下門按此亭

在府西荃新舊各在一處舊志所指是其新者耳詩

國風燕燕於飛差池其羽鄭箋曰差池其羽謂張舒其尾翼也苦寒行古清商曲也因行役遇寒而作元和郡縣志博望山在宣州當塗縣西三十五里與和州對岸江西岸山曰梁山兩山相望如門俗謂之天門山山上皆有却月城宋車騎將軍王玄謨所築牛渚山在宣州當塗縣北三十五里山突出江中謂之牛渚圻古津渡處也舊唐書牛渚山一名采石在當塗縣北四十五里大江中後漢書風夜屏營章懷太子註屏營彷徨也

○屏府盈切音并

書懷贈南陵常贊府

南陵贊府已見木卷註

歲星入漢年方朔見明主調笑當時人中天謝雲雨

一去麒麟閣遂將朝市乖故交不過門秋草日上階

當時何特達獨與我心諧置酒凌歊臺歡娛未曾歇

歌動白紵山舞迴天門月問我心中事爲君前致辭

君看我才能何似魯仲尼大聖猶不遇小儒安足悲

雲南五月中頻喪渡瀘師毒草殺漢馬張兵奪秦蕭本

作雲旗至今西二當作河流血擁僵屍將無七擒畧魯

女惜園葵咸陽天下繆木樞累歲人不足雖有數斗

玉不如一盤粟賴得契宰衡持釣慰風俗自顧無所

用辭家方未蕭本歸霜驚壯士髮淚滿逐臣衣以此

不安席蹉跎身蕭本世違終當滅衛謗不受魯人譏

太平廣記東方朔未死時謂同舍郎曰天下人無能

知朔知朔者惟太王公耳朔卒後武帝得此語召太

王公問之曰爾知東方朔乎公對曰不知公何所能

曰頗善星曆帝問諸星皆具在否曰諸星具在獨不

見歲星十八年今復見耳帝仰天嘆曰東方朔生在

朕旁十八年而不知是歲星哉圖經凌歊臺在當塗

縣城北黃山上宋武帝南游嘗登此臺因建離宮焉
太平寰宇記黃山在大平州當塗縣西北五里上有
宋凌歊臺周圍五里一百步高四丈石碑見存白
芎山在當塗縣東五里本名楚山桓温領妓遊此山
奏樂好爲白芎歌因改爲白芎山天門山已見上首
註江淹詩小儒安足爲關中之地古秦地也故謂關
中兵旗曰秦旗唐書天寶十載四月壬午劍南節度
使鮮于仲通及雲南蠻戰于西洱河敗績大將王天
運死之十三載六月劍南節度留後李宓及雲南蠻
戰於西洱河死之按西洱河卽葉榆河也出雲南大
理府之點蒼山匯爲巨湖周三百里亦曰西洱海傳
云以形如人耳故名三國志註漢晉春秋曰諸葛亮
至南中所在戰捷聞孟獲者爲夷漢所服募生致之
旣得使觀於營陣之間問曰此軍何如獲對曰向者
不知虛實故敗今蒙賜觀營陣若祇如此卽定易勝
耳亮笑縱使更戰七縱七擒亮猶遣獲獲止不去曰
公天威也南人不復反矣列女傳魯漆室邑之女過
時未適人當穆公時君老太子幼女倚柱而嘯其鄰
人婦從之游謂曰何嘯之悲也子欲嫁耶吾爲子求
偶漆室女曰嗟乎吾豈爲不嫁不樂而悲哉吾憂魯

君老太子幼鄰女笑曰此乃魯大夫之憂婦人何與
馬漆室女曰不然昔晉容舍吾家繫馬園中馬逸馳
走踐吾墓使我終歲不食蔡今魯君老悖太子少愚
妍僞日起去魯國有患者君臣父子皆被其辱禍及
衆庶婦人獨安所避乎吾甚憂之子乃曰婦人無與
者何哉鄰婦謝曰子之所慮非妾所及三年魯果亂
齊楚攻之魯連有寇男子戰鬪婦人轉輸不得休息
袁淑詩秦地天下樞李善註區要也漢書加安漢公
號曰宰衡應劭註周公爲太宰伊尹爲阿衡采伊周
之尊以加莽也後人稱宰相爲宰衡本此舊唐書天
寶十二載八月京城霖雨米貴令出太倉米十萬五
減價糶與貧人十三載秋霖雨積六十餘日京城垣
屋頽壞殆盡物價暴貴人多乏食令出太倉
米一百萬石闕場賤糶以濟貧民○歎音囂

贈汪倫

楊濟賢曰白游涇縣桃花潭村人汪倫
當醞美酒以待白倫之裔孫至今寶其

詩

李白乘舟將欲行忽聞岸上踏歌聲
桃花潭水深千

尺不及汪倫送我情

按通鑑唐記聞知微爲虜踏歌胡三省註蹋歌者連手而歌

地以爲節也一統志桃花潭在寧國府涇縣西南一百里深不可測○唐汝詢曰倫一村人耳何親於白既醞酒以候之復臨行以祖之情固超俗矣太白於景切情真處信手拈出所以調絕千古後人效之如欲問江深淺應如遠別情語非不佳終是杞柳杯棬

李太白文集卷之十三

錢塘 王琦 琢崖輯註

籍 端臣 思謙 蘊山 較

古近體詩共二十五首

安陸白兆山桃花巖寄劉侍御綰

一作春歸桃花巖貽許侍

御○太平寰宇記白兆山在安州安陸縣西三十里一統志白兆山在德安府城西三十里下有桃花巖及李太白讀書堂○縮鳥板切彎上聲

雲臥三十年好閑復愛仙蓬壺雖冥絕鸞鳳心悠然

歸來桃花巖得憩雲窓眠

一作幼采紫房談早愛滄溟仙心跡頗相誤世事空

徂遷歸來丹巖 曲得憩青霞眠 對嶺人共語飲潭猿相連時昇翠微

上。邈若羅浮巔。兩岑抱東壑。一嶂橫西天。樹雜日易

隱。崖傾月難圓。芳草換野色。飛蘿搖春烟。入遠構石

室。選幽開山田。獨此林下意。杳無區中緣。永辭霜臺

一作客千載方來旋。鮑照詩雲臥恣天行拾遺記蓬

繡衣茂木渴則接臂而飲爾雅翼猿好攀援其飲木輒自

高崖或大木上纍纍相接下飲飲畢復相收而上翠

微者山未及頂上而在旁坡陀之處詳見十卷註太

平寰宇記廣州增城縣東有羅浮山浮水出焉是為

浮山與羅山並體故曰羅浮非羽化莫有登其極者

嶮尖之峰四百四十有二同歸於羅山上則三擊爭

竦各五六千仞其穴冥然莫測其極北通句曲之山

茅君內傳云第七洞名朱明耀真之天璿房瑤室七

十有一眼罅穹窿自然雲竦爾雅山小而高岑邢昺

疏山形雖小而高嶽崑者各岑也韻會嶂山嶺如屏

障者謝靈運詩緬邈區中緣張鳳翼註區中世

間也緣塵綠也霜臺御史臺也詳十一卷註

淮南臥病書懷寄蜀中趙徵君蕤

唐書地理志淮南道壽州

壽春郡本淮南郡天寶元年更名唐書藝文志

趙蕤字太賓梓州人開元中召之不赴有長短

要術十卷北夢瑣言趙蕤者梓州鹽亭人博學

矜韜長於經世夫妻俱有節操不受交辟撰長

短經十卷王霸之道見行於世四川志趙蕤鹽

亭人隱於梓州郫縣長平山安昌巖博考六經

諸家同異著長短經十卷明王霸大畧其文亦

申鑒論衡之流凡六十三篇又註關朗易傳明

皇屢徵之不就李

白嘗造其廬訪焉

吳會一浮雲飄如遠行客

一作萬里無主
人一身獨為客

功業莫從

就歲光屢奔迫良圖俄棄捐衰疾乃綿劇古琴藏虛

匣長劍挂空壁楚懷奏鍾儀越吟比莊舄

二句一作
臥來恨已

久興發思逾積又蕭本
上句作楚冠懷鍾儀

國門遙天外鄉路遠山隔朝

憶相如臺夜夢子雲宅旅情初結緝一作如秋氣方

寂歷風入松下清露出草間白故人不可見幽夢誰

與適一作故人不在寄書西飛鴻贈爾慰離析魏文帝詩

西北有浮雲亭亭如車蓋惜哉時不遇適與飄風會

吹我東南行行行至吳會潘岳詩人居天地間飄若

遠行客左傳晉侯觀於軍府見鍾儀問之曰南冠而

縶者誰也有司對曰鄭人所獻楚囚也使稅之問其

族對曰泠人也公曰能樂乎對曰先父之職官也敢

有二事使與之琴操南音范文子曰樂操士風不忘

舊也杜預註南音楚聲王粲登樓賦莊舄顯而越吟

詳見九卷贈崔侍御詩註初學記王褒益州記曰司

馬相如宅在州西笮橋北百步許李膺云市橋西二

百步得相如舊宅今海安寺南有琴臺故墟太平寰

宇記蓋部耆舊傳云相如宅在少城中笮橋下北百
餘步是也有琴臺在焉今為金花寺成都志相如琴
臺在城外浣花溪之海安寺南今為金花寺元魏伐
蜀下營於此掘塹得大甕二十餘口蓋所以響琴也

太平御覽成都記曰成都縣南百步有揚雄宅今草
袁亭遺跡尚存太平寰宇記子雲宅在益州少城西
南角一名草袁堂一統志揚雄宅在成都府城內西
南內有草袁堂及墨池今成都縣治卽其地也江淹
詩寂歷百草晦李善註寂歷凋疎貌謝靈運詩路阻
莫贈問云何慰離析何晏論語註不可聚會曰離析

寄弄月溪吳山人

嘗聞龐德公家住洞

蕭本作洞

湖水終身栖鹿門不入襄

陽市夫君弄明月滅影清淮裏高蹤逸難追可與古

人比清揚杳莫覩白雲空望美待號辭人間攜手訪

松子

後漢書龐公者南郡襄陽人也居峴山之南未嘗入城府夫妻相敬如賓荆州刺史劉表數延

請不能屈乃就候之後攜其妻子登鹿門山因採藥

不反章懷太子註襄陽記曰司馬德操年小德公十歲兒事之呼作龐公故俗人謂龐公是德公名非也鹿門山舊名蘇嶺山建武中襄陽侯習郁立神祠於

山刻二石鹿夾神道口俗因謂之鹿門廟遂以廟名山也
洞湖事無所考證孟浩然詩亦有聞就龐公隱移居近洞湖之句
按鄴道元水經註蔡洲大岸西有洞湖停水數十畝長數里廣減百步水色常綠楊儀居上洞楊顛居下洞與蔡洲相對在峴山南廣昌里云云與後漢書峴山之南相合豈洞湖卽洞湖之訛與然道元不言洞湖爲德公所居而以魚梁洲爲德公所居則又未敢據也謝靈運山居賦廣滅影於崆峒許通音於箕山傅咸詩豈不企高蹤麟趾邈難追詩國風有美一人清揚婉兮毛萇傳清揚眉目之間松子赤松子也詳見六卷註又抱朴子赤松子以玄蟲血漬玉爲水而服之能乘烟上下真誥我之所師南岳松子松子爲太虛真人左仙公

秋山寄衛尉張卿及王徵君

衛尉卿見九卷註

何以折相贈白花青桂枝月華若夜雪見此令人思
雖然刻溪興不異山陰時明發懷二子空吟招隱詩

沈約詩月華臨靜夜夜靜滅氛埃晉書王徽之嘗居山陰夜雪初霽月色清朗四望浩然獨酌酒咏左思招隱詩忽憶戴逵逵時在剡便夜乘小船詣之經宿方至造門不前而反人問其故徽之曰本乘興而來興盡而返何必見安道取明發猶明早也詳見二卷註

望終南山寄紫閣隱者

史記正義括地志云終南山一名中南山一名

太乙山一名南山一名橘山一名楚山一名秦山一名周南山一名地肺山在雍州萬年縣南五十里圖書編終南乃關中南山西起隴鳳東踰商洛綿亘千里有餘其南北亦然隨地異名總言之則曰南山耳西安志紫閣峰乃終南山之一峰也詳見五卷註

出門見南山。引領意無限。秀色難爲名。蒼翠日在眼。有時白雲起。天際自舒卷。心中與之然。託興每不淺。

何當造幽人。滅跡棲絕巘。

後漢書昔人之隱遭時則放聲滅跡巢棲茹薇張協

七命發絕巘遡長風張銑註絕巘高峯也○巘語蹇切年上聲

夕霽杜陵登樓寄韋繇

元和郡縣志杜陵在京兆府萬年縣東南二十

里胡三省通鑑註自漢宣帝起杜陵邑至後漢為縣屬京兆隋遷京城并杜陵入大興縣唐改

大興曰萬年

浮陽滅霽景萬物生秋容登樓送遠日伏檻觀群峰

原野曠超緬關河紛錯

蕭本作雜

重清暉映竹日

一作水竹翠

色明雲松蹈海寄遐想還山迷舊蹤徒然追晚暮未

果諧心曾結桂空佇立折麻恨莫從

一作採菊竟誰舉游蘭恨莫從

思君達永夜長樂聞疎鐘

張協詩浮陽映翠林呂向註浮陽日光也謝靈運詩

浮陽滅清暉楚辭坐堂伏檻臨曲池些王逸註檻楯也鮑照詩綺看紛錯重楚辭結桂枝兮延佇王逸註

延長也佇立也結木爲誓長立而望也楚辭折疏麻兮瑤花將以遺兮離居謝靈運詩行觴奏悲歌永夜繼白日徐陵玉臺新咏序厭長樂之疎鐘三輔黃圖長樂宮本秦之興樂宮也高皇帝始居櫟陽七年長樂宮成徙居長安城三輔舊事官殿疏皆云興樂宮秦始皇造漢修飾之周迴二十里

秋夜宿龍門香山寺奉寄王方城十七丈奉國

瑩蕭本上人從弟幼成令問河南通志龍門山在河南府城西南

三十里兩山對峙東曰香山西曰龍門石壁峭立伊水出其間故又名伊闕左氏傳晉趙鞅納

王使女寬守闕塞服虔謂南山伊闕是也杜預註洛陽西南伊闕日也而今謂龍門矣壁間石

佛大小數百皆後魏及唐時所鑿香山寺在龍門山土後魏時建白居易修香山寺記洛陽四

郊山水之勝龍門首焉龍門十寺游觀之勝香山首焉唐山南東道之唐州有方城縣

朝發汝海東暮棲龍門中水寒夕波急木落秋山空

望極九霄迴。賞幽萬壑通。目皓沙上月。心清松下一作

裏風。玉斗橫一作生網戶。銀河耿花宮。興在趣方逸。歡

餘情未終。一作咫尺世喧鳳駕憶王子。虎溪懷遠公。

桂枝坐蕭瑟。一作銷歌棣華不復同。流恨一作浪寄伊木盈

盈焉可窮。劉現詩朝發廣莫門暮宿丹木山枚乘七

言之也。郭璞山海經注汝水出南陽魯陽縣大孟山

東北至河南梁縣東南經襄城潁川汝南至汝陰褒

信縣入淮梁簡文帝詩夕波照孤月九宵即九天也

詳見明堂賦註玉斗即北斗色明朗如王故曰玉斗

網戶門扉上刻為方目如羅網狀若今之隔亮也楚辭網戶朱綴刻方連些詳見明堂賦註初學記天河亦曰銀河謝朓詩秋河曙耿耿呂延濟註耿耿明淨也花宮佛寺也佛說法處天雨衆花故詩人以佛寺為花宮何遜詩鳳駕啟千群王子謂仙人王子喬一統志虎溪在九江府城南晉僧惠遠送客過此虎輒

鳴號因名道書以虎溪山爲七十二福地之一鮑照
詩容華坐消歇棣華詳見七卷註王子以喻王方城
遠公以北國瑩上人棣華謂幼成令問二弟水經註
伊水出南陽縣西蔓渠山東北過伊關中又東北至
洛陽縣南北入於洛元和郡縣志伊關山在河南府
伊關縣北四十五里兩山相對望之若關伊水流其
間故名古詩盈盈一水間脉脉不得語

春日獨坐寄鄭明府

驚麥青青遊子悲河堤弱柳鬱金枝長條一拂春風
去盡日飄揚無定時我在河南別離久那堪對此當

蕭本作
坐此對
窻牖
情人道來竟不來何人共醉新豐酒
邢

爾邪疏薈一名雀麥一名燕麥本草云生故墟野林
下苗似小麥而弱實似穉麥而細在處有之本草綱
目燕麥野麥也燕雀所食故名宗奭曰苗與麥同但
穗細長而疎唐劉夢得所謂菴蔡燕麥播蕩春風者

也河堤弱柳鬱金枝言弱柳之枝似鬱金之黃也本草鬱金生蜀地及西戎苗似薑黃花白質紅末秋出莖心而無實其根黃赤梁元帝詩試酌新豐酒遙勸陽臺人

寄淮南友人

紅顏悲舊國青歲歇芳洲不待金門詔空持寶劍游

海雲迷驛道江月隱鄉樓復作淮南客因逢桂樹畱

陳子昂春臺引遲美人兮不見恐青歲之還道楊齊賢曰青歲猶青春也漢書東方朔傳待詔金門稍得親近三輔黃圖東方朔主父偃嚴安徐樂皆待詔金門門淮南王招隱士詞桂樹叢生兮山之幽攀援桂樹兮聊

沙邱城下寄杜甫

楊齊賢曰趙有沙邱宮在鉅鹿此沙邱當在魯琦按在鉅

鹿者乃沙邱臺趙於其地作宮故有沙邱宮非沙邱城也太平寰宇記萊州掖縣有沙邱城殷

紂所築始皇崩處夫紂所築始皇崩處古今皆指在鉅鹿者是不云在萊州樂史所証亦誤據此詩而約其地當與汶水相近唐書杜甫字子美襄陽人少貧不自振客吳越齊趙間季邕奇其才先往見之舉進士不中第困長安天寶十三載玄宗朝獻太清宮饗廟及郊甫奏賦三篇帝奇之使待制集賢院擢河西尉不拜改右衛率府胄曹參軍至德二年拜右拾遺出爲華州司戶參軍嚴武節度劍南東西川表爲參謀檢校工部員外郎

我來竟何事高臥沙邱城城邊有古樹日夕連秋聲

魯酒不可醉齊歌空復情思君若汶水浩蕩寄南征

莊子魯酒薄而邯鄲圍謝朓詩嬋娟空復情一統志汶水其源有三一發泰山之旁仙臺嶺一發萊蕪縣原山之陽一發萊蕪縣寨子村至泰安州靜封鎮合焉名曰塹汶西南流與徂徠山之陽小汶河合又西南流注洸河入濟按水經有五汶北汶羸汶柴汶浯汶牟汶名雖有五而其流則同

聞丹邱子於城北山

蕭本缺
山字

營石門幽居中有

高鳳遺跡僕離群遠懷亦有棲遁之志因敘舊

以寄之

春華

一作
天

滄江月秋色碧海雲離居盈寒暑對此長

思君思君楚水南望君淮山北夢魂雖飛來會面不

可得疇昔在嵩陽同衾臥羲皇綠蘿笑簪紱丹壑賤

巖廊晚塗各分析乘興任所適僕在雁門闕君為峨

嶂客心懸萬里外影滯兩鄉隔長劍復歸來相逢洛

陽陌陌上何喧喧都令心意煩迷津覺路失託勢隨

風翻以茲謝朝列長嘯歸故園

古詩同心而離居憂
傷以終老禮記子疇

昔之夜鄭玄註疇發聲也昔猶前也嵩陽嵩山之陽
義皇猶云自謂是義皇上人鮑照詩妍容逐丹壑漢
書游於巖廊之上文穎曰巖廊殿下小屋也晉灼白
廊堂邊廡巖廊謂巖峻之廊也韻會巖廊殿旁高廡
也太平寰宇記雁門關在憲州東南六十里屬天池
縣雁門鄉其關東臨汾水西倚高山接嵐朔州一統
志雁門關在山西馬邑縣東南七十里東西山巖峭
拔中有路盤旋崎嶇絕頂置關南通代州元和郡縣
志峨眉山在嘉州峨眉縣西七里蜀都賦云抗峨眉
於重阻兩山相對望之如峨眉故名此山亦有洞天
石室高七十六里吳均詩陌上何喧喧句奴圍塞
垣謝靈運詩脫冠謝朝列潘岳詩長嘯歸東山 故

園恣閑逸求古散縹帙久欲入一作尋名山婚娶殊未

畢人生信多故世事豈惟一念此憂如焚悵然若有

失聞君卧石門宿昔契彌敦方從桂樹隱不羨桃花

源高風繆本作鳳起遐曠幽人跡復存松風清瑤瑟溪月

湛芳樽。安居偶佳賞。丹心期此論。徐陵玉臺新詠序開茲縹帙散此緇

編後漢書向長字子平隱居不仕建武中男女娶嫁既畢敢斷家事勿相關當如我死於是遂肆意與同

好北海禽慶俱游五岳名山不知所終沈約詩早欲尋名山期待婚嫁畢謝靈運詩中飲願宿心悵焉若

有失淮南王拾隱士桂樹叢生兮山之幽桃花源見二卷註劉孝綽詩華茵藉初卉芳樽散緒寒○湛牀

減切囓上聲澄也又直禁切沈去聲投物水中也又子禁切音浸浸也

淮陰書懷寄王宋城一作宗城繆本作宗成○唐書地理志淮南道楚州

淮陰郡有淮陰縣河南道宋州睢陽郡有宋城縣

沙墩至梁苑二十五長亭大舶夾雙艚中流鵝鶴鳴

雲天掃空碧川岳涵餘清飛鳥從西來適與佳興并

眷言王喬鳥婉變故人情復此親懿會而增交道榮

公洄且不定飄忽悵徂征暝投淮陰宿欣得漂母迎
斗酒烹黃雞一餐感素誠予爲楚壯士不是魯諸生

有德必報之千金恥爲輕緬書羈孤意遠寄棹歌聲

按通典宋城縣卽漢睢陽縣其地有漢梁孝王兔園
平臺雁鷺池長亭卽斤墩也古制十里一長亭二十

五長亭則二百五十里矣唐書釋音船大舟艣與櫓
同鵝鸛鳴謂舟人喧聒有似鵝鸛之聲耳王喬寫詳

見十一卷註後漢書婉變龍妾章懷太子註婉變猶
親愛也謝莊月賦親懿莫從李善註親懿親也左

氏傳富辰曰兄弟雖有小忿不廢懿親杜預曰懿美
也沿逆流而上也洄順流而下也陸機詩駕言遠徂

征漂母事已見六卷註琦按太白因在淮陰故用淮
陰古事爲喻所謂楚壯士者正指韓信而言楊氏以

淮陰侯傳中辱信少年當之未是史記叔孫通使微
魯諸生三十餘人謝莊月賦羈孤遙進李善註羈孤

羈客孤子也西京賦縱棹歌李善註
棹歌引棹而歌也○舩音白變音戀

棹歌引棹而歌也○舩音白變音戀

聞王昌齡左遷龍標遙有此寄唐書王昌齡字少伯江寧人第

進士補校書郎又中宏辭遷汜木尉不護細行

貶龍標尉以世亂還鄉里為刺史間邱曉所殺

昌齡工詩緒密而思清時謂王江寧云漢書周

昌傳吾極知其左遷顏師古註是時尊右而卑

左故謂貶秩位為左遷唐書地理

志黔中道敘州潭陽郡有龍標縣

楊花落盡一作揚州子規啼聞道龍標過五溪我寄愁

心與明月隨風繆本作君直到夜郎西通典五溪一辰溪二酉溪三巫溪四

武溪五沅溪今黔中道謂之五溪又云五溪中地歸漢以後列代開拓今播州涪川夜郎義泉龍溪漆溪

等郡地

寄王屋山人孟大融河南通志王屋山在懷慶府濟源縣西北九十里接

山西平陽府垣曲縣及澤州陽城縣界山有三重其狀如屋或曰以其山形如王者車蓋故名

或曰山空其中列仙居之其內廣闊如王者之宮也其絕頂曰天壇山峰突兀即濟水發源處常有雲氣覆之輪囷紛郁雷雨在其下相傳古仙靈朝會之所其東峰曰日精其西峰曰月華道書謂之清虛小有洞天唐司馬承禎修道於此

我昔東海上勞山食紫霞親見安期公食棗大如瓜
中年謁漢主不愜還歸家朱顏謝春暉白髮見生涯

所期就金液飛步登雲車願隨夫子天壇上閑與仙

人掃落花太平寰宇記萊州即墨縣有大勞山小勞山按郡國志云吳王夫差登之得靈寶度

人經晏謨齊記云太山雖言高不如東海勞昔鄭康

成領徒於此山高二十五里周迴八十里在縣東南

三十八里山東通志勞山在萊州府即墨縣東南六

十里海濱山有二其一高大曰大勞山其一差小曰

小勞山二山相聯又名牢盛山秦始皇登牢盛山望

蓬萊即此處顏延年詩本自餐霞人李周翰註餐霞

仙者之流真誥九華真妃曰日者霞之實霞者日之
精君惟聞服日之法未知餐霞之精也夫餐霞之經
甚秘致霞之道甚易此謂體生玉光霞映上清之法
也史記李少君曰臣常游海上見安期生安期生食
巨棗大如瓜抱朴子金液太乙所服而仙者也合之
用古秤黃金一斤并用玄明龍膏太乙旬首中石冰
石紫游女哀水液金化石丹砂封之百口成水真經
云金液入口則其身皆金色郭璞詩翹手攀金梯飛
步登玉闕洛神賦載雲車之容裔劉良註神以雲爲車

憶舊遊寄譙郡元參軍

唐時所稱譙郡卽亳州也隸河南道

憶昔洛陽董糟邱爲余天津橋南造酒樓黃金白壁

買歌笑一醉累月輕王侯海內賢豪青雲客就中與

君一作與心莫逆迴山轉海不作難傾情倒意無所

惜天津橋在河南縣北洛水上詳見二卷註蜀都賦樂飲今女一醉累月莊子子桑戶孟子反子琴張

三人相與爲友曰孰能相與於無相與相爲於無相
爲孰能登天游霧撓挑無極相忘以生無所終窮三
人相視而笑莫逆
於心遂相與友
我向淮南攀桂枝君畱洛北愁夢

思不忍別還相隨相隨迢迢訪仙城三十六曲水迴

縈一溪初入千花明萬壑度盡松風聲銀鞍金絡到

蕭本
作倒

平地漢東太守來相迎紫陽之真人邀我吹玉

笙飡霞樓上動仙樂嘈然宛似鸞鳳鳴袖長管催欲

輕舉漢中太守醉起舞

一作漢東太
守酣歌舞

手持錦袍覆我

身我醉橫眠枕其股當筵意氣凌九霄星離雨散不

終朝分飛楚闕山水遙余旣還山尋故巢君亦歸家

度渭橋

淮南王招隱士攀援桂枝兮聊淹留李善文
選註凡草木花實榮茂謂之明枝葉凋傷謂

之晦辛延年詩銀鞍何煜爚陌上桑古辭驄馬金絡頭唐時漢東郡卽隨州也隸山南東道漢中郡卽梁州也本名漢川天寶元年始更名漢中隸山南西道紫陽先生於隨州苦竹院置餐霞樓詳見三十卷紫陽碑銘毛萇詩傳自旦及食時爲終朝史記索隱渭橋有三所一在城西北咸陽路曰西渭橋一在東北高陵路曰東渭橋其中渭橋在故城之北君家嚴君勇貔虎作尹并州遇戎虜五月相呼渡太行摧輪不道羊腸苦行來北涼

當作京

歲月深感君貴義輕黃金瓊杯綺食青玉案使

我醉飽無歸心時時出向城西曲晉祠流水如碧玉

浮舟弄水簫鼓鳴微波龍鱗莎草綠興來攜妓恣經

過其若楊花似雪何紅

一作鮮

妝欲醉宜斜日

一作如花落

百尺清潭寫翠娥翠娥嬋娟初月輝美人更唱舞羅

衣清風吹歌入空去歌曲自繞行雲飛

周易家人有嚴君焉父母

之謂也書牧誓勗哉夫子尚桓桓如虎如貔如熊如

羆於裔郊陸璣詩疏貔似虎或曰似熊一名執夷一

名白狐其子為穀遼東人謂之白羆唐書百官志開

元十一年太原府置尹及少尹以尹為留守少尹為

副留守舊唐書開元十一年改并州為太原府史記

正義括地志云太行山在懷州河內縣北二十五里

有羊腸坂又云羊腸坂道在太行山山南口懷州北

口潞州李善文選註羊腸其山盤紆如羊腸魏武帝

詩北上太行山艱哉何巍巍羊腸坂詰屈車輪為之

摧北涼即張掖郡按漢武帝始置張掖郡魏晉時隸

涼州及沮渠蒙遜立國於此號為北涼以涼州五郡

張掖在其北也唐時為甘州又謂之張掖郡然上文

言并州太行下文言晉祠中間忽言北涼不合當是

北涼之訛耳蓋天寶之初號太原為北京也張衡詩

何以報之青玉案李善註玉案君所憑依劉良註玉

案美器可以致食楊升菴曰古詩青玉案即盤也今

以為桌非矣孟光舉案即舉盤也若桌安事舉乎琦

按周禮玉人案有十二寸史記高祖過趙趙王自持

李太白文集卷十三

案進食萬石君對案不食皆指於禁之類而言不謂
 几案也元和郡縣志晉祠一名王祠周唐叔虞祠也
 在太原府晉陽縣西南十二里山西通志唐叔虞祠
 在太原府太原縣西南十里懸壺山之麓乃晉水發
 源處今謂之晉祠叔虞始受封為唐侯後改國號曰
 晉祠亦以名魏地形志云晉陽有晉王祠卽此水經
 註山海經曰懸壺之山晉水出焉今在縣之西南昔
 智伯之遺晉水以灌晉陽其川上源後人踵其遺跡
 蓄以為治洺西際山枕水有唐叔虞祠水側有涼堂
 結飛梁於水上左右雜樹交蔭希見曠景至有滌朋
 密友羈游宦子莫不尋梁契集用相娛慰於晉川之
 中最高為勝處漢武帝秋風辭蕭鼓鳴兮發棹歌潘岳
 詩濫泉龍鱗瀾埋雅夫須莎草也可以為笠又可以
 為簑疎而無温故字從沙廣韻嬋娟好恣態貌高唐
 賦更唱迭和赴曲隨流列子秦青撫節此時行一作
 悲歌聲振林木響遺行雲○猴音近皮歡

樂難再遇西遊因獻長楊賦北闕青雲不可期東山

白首

一作髮

還歸去渭橋南頭

一作

渭水橋南

一遇君

鄧臺之北又離群問余別恨今

蕭作知

多少落花春暮

爭紛紛

一作鶯飛求友滿芳樹落花送客何紛紛

言

一作情

亦不可盡情

一作

言

亦不可及呼兒長跪緘此辭寄君千里遥相憶

揚雄

從成帝至射熊館還上長楊賦詳見一卷大獵賦註

漢書蕭何治未央宮立東闕北闕顏師古註未央殿

雖南嚮而上書奏事謂見之徒皆詣北闕公車司馬

亦在北焉是以北闕為正門陶潛詩帝鄉不可期太

平寰宇記鄧縣漢縣屬沛郡古今地名即鄧亭是也

輿地志云魏以鄧縣屬譙郡漢封蕭何為鄧侯茂陵

書云何封國在南陽姚崇曰兩縣同作鄧字南陽鄧

音贊沛郡鄧音嗟班固泗水亭高祖碑云文昌四友

漢有蕭何序功第一受封於鄧以韻而言則非南陽

者音贊也錦繡萬花谷鄧有二縣音字多亂其屬沛

郡者音嗟屬南陽者音贊此所云鄧臺者屬於譙郡

當作嗟音讀○唐仲言曰歷敘舊游之事凡合而離

者四焉在洛則我就君遊適淮則君隨我往并州戎

馬之地而攜妓相過西遊落魄之餘而不忘晤對敘

事四轉語若貫珠絕
非初唐牽合之比

月夜江行寄崔員外宗之
崔宗之事見十卷註

飄飄蕭本作江風起蕭颭海樹秋登艫美清夜挂席

移輕舟月隨碧山轉水合青天流杳如一作星河上

但覺雲林幽歸路方浩浩徂川去悠悠徒悲蕙草歇

復聽菱歌愁岸曲迷後浦沙明瞰前洲懷君不可見

望遠增離憂江總詩海樹一邊出鮑照詩登艫眺淮甸李善註李斐曰艫船前頭刺櫂處也

謝靈運詩挂席拾海月廣韻瞰視也
楚辭思公子兮徒離憂○瞰音勘

宿白鷺洲寄楊江寧太平御覽丹陽記曰白鷺洲在縣西三里隔江中心

南邊新林浦西邊白鷺洲上多聚白鷺因名之唐書地理志江南東道有上元縣本江寧縣

肅宗上元二年更名
上元隸昇州江寧郡

朝別朱雀門暮棲白鷺洲波一作沙光搖海月星影人

城樓望美金陵宰如思瓊樹憂徒令魂作蕭本作人夢翻

覺夜成秋綠水解人意為余西北流因聲玉琴裏蕩

漾寄君愁六朝事跡晉咸康二年作朱雀門新立朱雀浮航在縣城東南四里對朱雀門南渡

淮水亦名朱雀橋地志云朱雀門北對吳都城宣陽門相去六里又云朱雀門晉都城南門也按晉作新

宮立三門於南而正中曰宣陽與朱雀門相對吳均詩思君甚瓊樹不見方離憂

新林浦阻風寄友人一作金陵阻風雪書懷寄楊江寧景定建康志新

林浦在城西南二十里關三丈深一丈長十二里源出牛頭山西七里入大江秋夏勝五十石

舟春冬涸一統志新林浦在應天府西南二十里一名新林港

潮水定可信天風難與期清晨西北轉薄暮東南吹

以此難挂席佳期益相思一本作洞汭頗淹遲其下

宰知絃歌止過客又多使索金陵書又叨賢海月破圓一作景菰蔣生綠池昨

日北湖梅開花已滿枝一作昨日北湖今朝一作白

蕭本作東門柳夾道垂青絲歲物忽如此我來定一作復幾

時紛紛江上雪草草客中悲明發新林一作板橋浦空吟

謝朓詩潮水晝夜再來其大小早晏依期而至不爽

暮謝靈運詩時刻故人謂之潮信藝文類聚日將暮曰薄

運詩圓景早已滿梁書瀆中並饒菰蔣爾雅翼菰者

蔣草也水生水中葉如蔗荻江東人呼為茭草刈以飼馬甚肥其苗有莖梗者謂之菰蔣至秋則為菰米徐爰釋問晉大興三年始創北湖築長堤以壅北山之

水東自覆舟山西至宣武城六里宋元嘉中有黑龍

見因改名元武湖江南通志元武湖在江寧府太平
門外一名蔣陵湖晉元帝始各北湖末文帝改名習
武湖元嘉中又名元武湖白門柳詳見四卷揚叛兒
註庾信詩岸柳被青絲詩小雅勞人草草毛傳云草
草勞心也謝朓有之宣城
出新林浦向板橋浦詩

寄韋南陵冰余江上乘興訪之遇尋顏尚書笑

有此贈

唐時江南西道有南陵縣隸宣州宣城郡唐書肅宗卽位顏真卿拜工部尚書

兼御史大夫乾元二年拜浙西節度使

南船正東風北船來自緩江上相逢借問君語笑

一作

聲

未了風吹斷聞君攜妓訪情人應爲尚書不顧身

堂上三千珠履客。甕中百斛金陵春。恨我阻此樂淹

留楚

一作此

江濱月色醉遠客。山花開欲燃。春風狂殺

人一日劇三年乘興嫌太遲焚却子猷船夢見五柳

枝已堪挂馬鞭何日到彭澤長一作歌陶令前身猶我也

魏晉後多自稱曰身史記春申君客三千餘人其上

客皆躡珠履金陵春酒名也唐人名酒多以春杜子

美詩云聞道雲安麴米春韓退之詩且須勤買拋青

春劉夢得詩鸚鵡杯中若下春白樂天詩註云杭州

釀酒趁梨花時熟號為梨花春國史補云酒則有榮

陽之士窟春富平之石凍春劍南之燒春裴劍傳奇

有松醪春之類詩國風一日不見如三歲兮王子蘇

乘船訪戴安道陶淵明宅邊有五柳樹及為彭澤令

俱已見

前註

題情深樹寄象公

腸斷枝上猿淚添山下樽白雲蕭本作見我去亦為

我飛翻格物論猿性急而腸狹

哀鳴則腸俱斷而死

虎誤

北山獨酌寄韋六

巢父將許由未聞買山隱道存跡自高何憚去人近
紛吾下茲嶺地閑誼亦泯門橫群岫開水鑿衆泉引
屏高而在雲竇深莫能準川光晝昏凝林氣夕淒緊
於焉摘朱果兼得養玄牝坐月觀寶書拂霜弄瑤軫
傾壺事幽酌顧影還獨盡念君風塵遊傲爾令自哂

一作安知世上人名利空蠹蠹○韻會將與也偕也
世說支道林就深公買印山深公曰未聞巢由買山
而隱南史劉虬以江陵西沙洲去人遠乃徙居之說
文岫山穴也殷仲文詩風物自凄緊朱果謂果中之
朱色者耳蕭註以爲火棗異名未是老子谷神不死
是謂玄牝玄牝之門是爲天地根河上公註玄天也
在人爲鼻壯地也於人爲口夫五炁從鼻歸五臟出
入於心也江淹詩寶書爲君掩李善註道學傳曰夏

禹禩真靈之玄要集天官之寶書李周翰註寶書真
經也琴下繫絃之柱謂之軫或以玉之故曰瑤軫陶
潛詩傾壺絕餘瀝又飲酒詩序偶有名酒
無久不歡顧影獨盡忽焉復醉○岫音就

寄當塗趙少府炎

當塗少府俱見八卷註

晚登高樓望木落雙江清寒山饒積翠秀色連州城
目送楚雲盡心悲胡雁聲相思不可見迴首故人情

寄東魯二稚子

在金陵作

吳地桑葉綠吳蠶已三眠我家寄東魯誰種龜陰田
春事已不及江行復茫然南風吹歸心飛墮酒樓前
樓東一株桃枝葉拂青烟此樹我所種別來向三年
桃今與樓齊我行尚未旋嬌女字平陽折花倚桃邊

折花不見我淚下如流泉小兒名伯禽與姐亦齊眉

雙行桃樹下撫背復誰憐念此失次第肝腸日憂煎

裂素寫遠意因之汶陽川蠶將蛻輒臥不食古人謂之俯荀卿蠶賦三俯三起

事乃大已是也後人謂之眠本草蠶三眠三起一十

七日而老是也水經註龜山北即龜陰之田也春秋

定公十年齊人來歸龜陰之田是也太平廣記李白

自幼好酒於兗州習業平居多飲又於任城縣構酒

樓日與同志荒晏客至少有醒時邑人皆以白重名

望其里而加敬焉劉琨詩據鞍長嘆息淚下如流泉

劉楨詩起坐失次第一日三四遷鄭康成禮記註素

生帛也顏師古急就篇註素謂絹之精白者即所用

寫書之素也汝水已見本卷註

獨酌清溪江

似缺一祖字

石上寄權昭夷

清溪江祖石俱在池

州註見八卷

秋浦歌下

我攜一樽酒獨上江祖石自從天地開更長幾千尺

舉杯向天笑天迴日西照永願蕭本作賴坐此石長垂巖

陵釣寄謝山中人可與爾同調蘇武詩我有一尊酒欲以贈遠人嚴陵釣

臺詳見
二卷註

禪房懷友人岑倫

太白自註時南游羅浮兼泛桂海自春徂秋不返僕旅江

外書情寄之○一統志羅浮山在廣東惠州府

博羅縣西北三十里即道書十大洞天之一昔

有山浮海而來搏於羅山合而為一故曰羅浮

又曰博羅南越志山高三千六百丈周迴三百

餘里嶺十五峰三十二其峰之秀者曰飛雲玉

鵝麻姑仙女會真會仙錦繡玳瑁洞之幽者曰

金沙石白朱明黃龍朱陵黃猿水簾蝴蝶大小

二石樓登之可望滄海樓前一石門方廣可容

几席二山相接處有石磴狀如橋梁名曰鐵橋

橋端兩石柱亦曰鐵柱人跡罕到又有跳魚石

伏虎石阿耨池夜樂池卓錫泉皆茲山之奇勝
唐六典註桂水出桂州臨源縣歷昭富梧三州
界入鬱水江淹詩文軫薄桂海李善註南海有
桂故曰桂海是以南海爲桂海太白所云桂海
雖襲其文而實則指桂州之桂水也亦
猶枚乘七發稱汝水爲汝海其義一也

嬋娟羅浮月搖艷桂水雲美人竟獨往而我安能群

一朝語笑隔萬里懽情分沉吟綵霞沒夢寐群

繆本
作瓊

芳歇歸鴻度三湘遊子在百越

蕭本
作粵

邊塵染衣劍白

日凋華髮春氣

蕭本
作風

變楚關秋聲落吳山草木結悲

緒風沙淒苦顏竭來已永久頽思如循環飄飄

一作
飄飄

限江裔想像空留滯離憂每醉心別淚徒盈袂坐愁

青天末出望黃雲蔽目極何悠悠梅花南嶺頭空長

滅征鳥水闊無還舟寶劍終難託金囊非易求歸來

儻有問桂樹山之幽

廣韻嬋娟好恣態貌三湘見一卷悲清秋賦註通典自嶺而南

當唐虞三代爲蠻夷之國是百越之地亦謂之南越古謂之雕題漢書高帝紀從百粵之兵服虔註非一種若今言百蠻也謝靈運詩覽物起悲緒何遜行經孫氏陵詩竭來已永久年代曖微微蜀都賦殆而竭來相與劉淵林註竭去也韻會竭去也又發語辭長門賦遂頽思而就牀李善註頽懷也淮南子注喙江裔高誘註裔邊也漢書太史公畱滯周南不得與從事楚辭思公子兮徒離憂詩國風行邁靡靡中心如醉鮑照詩安能行嘆復坐愁楚辭日極千里兮傷春心南嶺卽大庾嶺在廣東南雄府其上多梅亦曰梅嶺史記高祖使陸賈賜尉陀印爲南越王尉陀賜陸生橐中裝直千金宋之問詩不求漢使金囊贈蓋用其事也淮南王招隱士桂樹叢生兮山之幽○竭卽謂切音近揭

李太白文集卷十三

李太白文集卷之十四

錢塘王琦琢崖輯註

濟魯川較

古近體詩共二十六首

廬山謠寄盧侍御虛舟

太平寰宇記廬山在江州南高三千三百六十

丈周迴二百五十里其山九疊川亦九派郡國志云廬山疊嶂九層崇巖萬仞山海經所謂三

天子鄩亦曰天子都也周武王時匡俗字子孝兄弟七人皆有道術結廬於此仙去廬尚存

故曰廬山李華三賢論范陽盧虛舟幼真質方而清賈至有授廬虛舟殿中侍御史制云勅大

理司直盧虛舟閑邪存誠遜世頤養操持有清廉之譽在公推幹盡之才可殿中侍御史云云

殆其人也

我本楚狂人鳳歌笑一作哭非孔丘手持綠玉杖一作枝朝

別黃鶴樓五岳尋仙不辭遠一生好入名山游廬山

秀出南斗傍屏風九疊雲錦張影落明湖青黛光金

闕前開二峯長繆本作帳銀河倒挂一作瀉三石梁香爐瀑

布遙相望迴崖沓嶂凌一作何繆蒼蒼翠影紅霞映

朝日一作照鳥飛不到吳天長登高壯觀天地間大

江茫茫去不還黃雲萬里動風色白波九道流雪山

好為廬山謠興因廬山發閑窺石鏡清我心謝公行

處蒼苔沒一作綠蘿開早服還丹無世情琴心三疊

道初成遙見仙人綵雲裏手把芙蓉朝玉京先期汗

漫九垓上願接盧敖遊太清

高士傳陸通字接與楚人也好養性躬耕以爲

食楚昭王時通見楚政無常乃佯狂不仕時人謂之楚狂孔子適楚接與游其門曰鳳兮鳳兮何如德之衰也來世不可待往世不可追也天下有道聖人成焉天下無道聖人生焉方今之時僅免刑焉福輕乎羽莫之知載禍重乎地莫之知避已乎已乎臨人以德殆乎殆乎畫地而趨迷陽迷陽無傷吾行却曲却曲無傷吾足山木自寇也膏火自煎也桂可食故伐之漆可用故割之人皆知有用之用而不知無用之用也孔子下車欲與之言趨而避之不得與之言楚王聞陸通賢遣使者持金百鎰車馬二駟往聘曰王請先生治江南通笑而不應使者去夫負釜甌妻戴紕器變名易姓游諸名山食桂櫨實服黃精子隱蜀峨眉壽數百年俗傳以爲仙云湖廣通志黃鶴樓在武昌府城西南隅黃鶴磯上周省齋曰宋陳令舉廬山記舊志云漢武帝過九江築羽章館於屏風壘下臨相思澗今五老一峯壘石如屏嶂蓋其故地水經註廬山之北有石門水水出嶺端有雙石高竦其狀若門因有石門之目焉水導雙石之中懸流飛瀑

近三百步許散漫數十步上望之連天若曳飛練於
霄中矣尋陽記曰廬山上有三石梁長數十丈廣不
盈尺杳然無底查梅餘曰元李洞言三石梁在開先
寺西黎崱言在五老峰上或云在簡寂觀及上霄紫
霄二峰間桑喬廬山紀事則竟以爲無如竹林之幻
境衆說紛然莫知所指今三疊泉在九疊屏之左水
勢三折而下如銀河之挂石梁與太白詩句正相脗
合非此外別有三石梁也後人必欲求其地以實之
失之鑿矣釋慧遠廬山記其山大嶺凡七重圓基周
迴垂五百里其南嶺臨宮亭湖下有神廟七嶺會同
莫有升之者東南有香爐峰游氣籠其上氤氳若香
烟西南有石門山其形似雙闕壁立千餘仞而瀑布
流焉其中鳥獸草木之美靈藥芳林之奇所稱名代
場齊賢曰廬山記山南山北瀑布無慮十餘處香爐
峯與雙劍峯在瀑布之旁水源在山頂人未有窮者
或曰西入康王谷爲水簾東爲開元禪院之瀑布楊
炯詩重巖宥不極疊嶂凌蒼蒼尚書九江孔殷孔安
國註江於此州界分爲九道尚書音釋九江潯陽記
云一曰烏白江二曰蟬江三日烏江四曰嘉靡江五
曰峽江六曰源江七曰廩江八曰提江九曰箇江張

須元綠江圖云一曰三里江二曰五州江三曰嘉靡
江四曰烏土江五曰白蚌江六曰白鳥江七日箭江
八曰沙堤江九曰廩江參差隨水長短或百里或五
十里始於鄂陵終於江口會於桑落洲太康地記曰
九江劉歆以爲湖漢九水入彭蠡澤也太平寰宇記
潯陽記云九江在潯陽去州五里名白馬江是大禹
所疏會於桑落洲上下三百餘里合流昔秦皇漢武
並登廬山以望九江也琦按太史公曰子南登廬山
觀禹疏九江淮南子曰禹鑿江而通九路應劭曰江
自尋陽分爲九郭璞江賦曰流九派於尋陽自西漢
迄東晉皆言大江至尋陽分爲九江尋陽記綠江圖
又備列其名而朱子九江辯獨闕之不從其說林少
穎曰九江之名與地勢久遠不可強通然各自別源
而下流入江則可以意臆也當由水道通塞離合古
今各異之故斯言當矣藝文類聚宮亭湖邊旁山間
有石數枚形圓若鏡明可以鑑人謂之石鏡太平寰
宇記石鏡在東山懸崖之上其狀團圓近之則照見
形影一統志石鏡峯在南康府西二十六里有一員
石懸崖明淨照人見影隱見無時謝靈運詩攀崖照
石鏡卽此謝靈運有登廬山絕頂望諸嶠詩抱朴子

還丹服一刀圭百日仙也朱鳥鳳凰翔覆其上玉女
至旁廣弘明集燒丹成水銀還水銀成丹故曰還丹
黃庭內景經琴心三疊舞胎仙梁邱子註琴和也疊
精也存三丹田使和積如一枕中書元始天王在天
中心之上名曰玉京山山中宮殿並金玉飾之淮南
子盧敖遊於北海經乎太陰入乎玄闕至於蒙穀之
上見一士焉深目而玄鬢淚注而鳶肩豐上而殺下
軒軒然方迎風而舞顧見盧敖慢然下其臂逡逃乎
碑下盧敖就而視之方倦龜殼而食蛤梨盧敖與之
語曰惟敖爲背群離黨窮觀於六合之外者非敖而
已乎敖幼而好遊至長不渝周行四極惟北陰之未
闕今卒覩夫子於是子始可與敖爲友乎若士者齋
然而笑曰吾與汗漫期於九垓之外吾不可以久駐
若士舉臂而諫身遂入雲中高誘註盧敖燕人秦始
皇名以爲博士使求神仙亡而不反汗漫
不可知之也九垓九天之外○瀑音僕

下尋陽城汎彭蠡寄黃判官

唐時潯陽郡卽江
州也隸江南西道

元和郡縣志彭蠡湖在江州都昌縣西六十里
按彭蠡湖今江西之鄱陽湖是也在南昌府城

東北一百五十里饒州府城西四十里南康府城東五里九江府城東南九十里四川諸水皆人焉周圍四百五十里春水漲時茫無涯畔足配洞庭又北歷星子都昌德化湖口注於大江

浪動灌嬰井尋陽

一作吾知

江上風開帆入天鏡直向彭

湖東落影轉疎雨晴雲散遠空名山發佳興

三句一作返影

照疎雨輕烟澹遠空中流得佳興

清賞亦何窮石鏡挂遙月香爐滅

彩虹

一作瀑布酒畫壁遙山挂彩虹

相思俱對此舉目與君同

元和郡縣

志江州城古之隘口城也漢高帝六年灌嬰所築建安中孫權經此城自標井地令工掘之正得古井銘曰漢六年顯陰侯開卜云三百年當塞塞後不滿百年當為應運者所開權以為已瑞井極深大江中風浪井水輒自動陸放翁入蜀記泛彭蠡口四望無際乃知太白開帆入天鏡之句為妙彭湖即彭蠡湖也

石鏡香爐俱

見上首註

書情寄從弟邠州長史昭

唐書地理志關內道邠州新平郡義寧二

年折北地郡之新平三水置邠故作邠開元十三年以字類幽改長史詳見七卷註

自笑客行久我行定幾時綠楊已可折攀取最長枝

翩翩

一作翻翻

弄春色延佇寄相思誰言貴此物意願

一作

厚重瓊蕤昨夢見惠連朝吟謝山嶽東風引碧草不

覺生華池臨玩忽云夕杜鵑夜鳴悲懷君芳歲歇庭

樹落紅滋

楚辭結幽蘭以延佇延佇長立也陸機詩玉顏侔瓊蕤張銑註瓊蕤玉花也鍾嶸詩

品謝氏家錄云康樂每對惠連輒得佳話後在永嘉

西堂思詩竟日不就寤寐間忽見惠連即得池塘生

春草故常云此詩有神助非吾語也楚辭蛙黽遊乎

華池王逸註華池芳華之池也埤雅杜鵑一名子規

苦啼啼血不止一名怨鳥夜啼達旦血漬草木几鳴

皆北向啼苦則倒懸於樹說文所謂蜀王望帝化爲

子雋今謂之子規是也華陽風俗錄杜鵑大如鵲而羽烏聲哀而吻有血春至則鳴臨海異物志杜鵑至三月鳴晝夜不止芳歲猶芳春也鮑照詩泉涸甘井竭節徙芳歲殘

寄王漢陽

唐時江南西道有漢陽縣隸沔州漢陽郡

南湖秋月白王宰夜相邀錦帳郎官醉羅衣舞女嬌

繆本作驕

笛聲誼沔鄂歌曲上雲霄別後空愁我相思一

水遙

此詩是泛沔州城南郎官湖之後所作王宰謂漢陽令王公郎官謂尚書郎張謂詳見二十卷

詩序後漢書郎官上應列宿出宰百里唐之沔州即漢陽郡今為漢陽府唐之鄂州即江夏郡今為武昌府二郡相對中問隔江七里

春日歸山寄孟浩然

繆本作孟六浩然○胡震亨曰玩詩意乃偕一顯者

游禪寺和詩疑題有誤琦按孟六浩然恐是孟贊府之訛

朱紱遺塵境青山謁梵筵金繩開覺路寶筏度迷川

嶺樹攢飛拱。岳花覆谷泉。塔形標海日。蕭本樓勢出

江烟香氣三天下。鐘聲萬壑連。荷秋珠已滿。松密蓋

初圓。鳥聚疑聞法。龍參若護禪。媿非流水韻。叨入伯

牙絃。朱紱詳見十一卷註。陳子昂詩山水開精舍。琴歌列梵筵。法華經國名離垢琉璃為地。有八交

道黃金為繩以界其側。法苑珠林涉迷津於曩識微塵之數。易窮返覺路於初心。僧祇之期難滿。翻釋名

義功德施論云。如欲濟川先應取筏。至彼岸已舍之而去。韻會。筏說文海中大船。廣韻大曰筏。小曰桴。方

言箴謂之筏。編竹木浮河以運物。南土名箴。北土名筏。三天即三界也。謂欲界色界無色界。玉策記于歲

松四邊。披起上秋不長望而視之。有如偃蓋。法苑珠林舍衛國祇樹精舍。衆集之時。獼猴飛鳥群類。數于

悉來聽法。寂寞無聲。事竟即去。各還所止。犍椎適鳴。已復來集。呂氏春秋。伯牙鼓琴。鍾子期聽之。志在流

水鍾子期曰善哉乎鼓琴湯湯乎若流水駱賓王詩
成風郢匠斲流水伯牙絃○瀛奎律髓云太白負不
羈之才樂府大篇翕忽變化而律詩工夫縝密如此
與杜審言宋之問相伯仲別有贈浩然詩曰醉月頻
中聖迷花不事君雖飄
逸不如此詩之端整

流夜郎永華寺寄潯陽群官

朝別凌烟樓暝投永華寺賢豪滿行舟賓散子獨醉

繆本作朝別凌烟樓賢豪滿行舟暝投永華寺賓散余獨醉願結九江流添成萬

行淚寫意寄廬岳何當來此地天命有所懸安得苦

愁思

凌烟樓宋臨川王造鮑照凌烟樓銘序云伏見所製凌烟樓樓置崇迥延瞰平寂即秀神臯因

基地勢東臨吳甸西眺楚關奔江永寫鱗嶺相葦重

樹穹天通原盡目九江巴見本卷註湛方生詩彭蠡

紀三江廬岳主衆阜呂氏春秋晏子曰鹿生於山命懸於廚今嬰之命有所懸矣

流夜郎至西塞驛寄裴隱

西塞驛當在西塞山邊元和郡縣志西塞

山在鄂州武昌縣東八十五里太平御覽江夏風俗記曰西塞山高一百六十丈周迴三十七里峻嶒橫江危峰斷岸長波阻以東注高浪爲之西翻袁宏東征賦云汾西塞之之峻嶒是也

揚帆借天風水驛苦不緩平明及西塞已先投沙伴

迴巒引群峰橫蹙楚山斷砭衝萬壑會震沓百川滿

龍怪潛溟波候

許本作俟

時救炎旱我行望雷雨安得霑

枯散鳥去天路長人愁

繆本作悲

春光短空將澤畔吟寄

爾江南管

裴隱疑亦當時逐臣故用賈誼投沙事謝靈運詩投沙理既迫詳見十卷贈崔秋浦

詩註廣韻砭水擊山巖聲也國語水之怪曰龍罔象韋昭註龍神獸也非常所見故曰怪曹植詩天路安可窮楚辭屈原既放游於江潭行吟澤畔顏色憔悴形容枯槁謝朓詩要取洛陽人共命江南管○砭披

冰切
音烹

西來自漢陽病酒歸寄王明府

去歲在遷夜郎道琉璃硯水長枯槁今年勅放巫山

陽蛟龍筆翰生輝光聖主還聽子虛賦相如却欲蕭本

作與論文章願掃鸚鵡洲與君醉百場嘯起白雲飛七

澤歌吟淥水動三湘莫惜連船沽美酒千金一擲買

春芳史記周昌傳高祖曰吾極知其左遷索隱曰地

人得罪下遷者皆曰左遷太白無官而用左遷字蓋

借作竄逐字用史記通夜郎道為置吏甚易徐陵王

臺新咏序琉璃硯匣終日隨身通典夔州巫山縣有

巫山及高邱山即楚辭所謂巫山之陽高邱之岵也
史記蜀人揚得意為狗監侍上上讀子虛賦而善之
曰朕獨不得與此人同時哉得意曰臣邑人司馬相

如自言爲此賦上驚乃名問相如相如曰有是然此
乃諸侯之事未足觀也請爲天子游獵賦賦成奏之
上許令尚書給筆札相如以子虛虛言也爲楚稱鳥
有先生者烏有此事也爲齊難無是公者無是人也
明天子之義故空藉此三人爲辭以推天子諸侯之
苑囿其卒章歸之於節儉因以諷諫奏之天子天子
大說太平御覽江夏記曰鸚鵡洲在荆北黃祖爲江
夏太守賓客大會有獻鸚鵡於此洲者故以爲名荆
州記曰江夏郡城西臨江有黃鶴磯有
鸚鵡洲七澤見七卷註三湖見一卷註

望漢陽柳色寄王宰

漢陽江上柳望客引東枝樹樹花如雪紛紛亂若絲

春風傳我意草木度前知一作別前知寄謝絃歌幸

西來定未遲沈約詩楊柳亂如

絲綺羅不自持

江夏寄漢陽輔錄事錄事詳見

十一卷註

誰道此水廣狹如一匹練江夏黃鶴樓青山漢陽縣
大語猶可聞故人難可見君草陳琳檄我書魯連箭
報國有壯心龍顏不迴眷西飛精衛鳥東海何由填
鼓角徒悲鳴樓船書征戰抽劍步霜月夜行空庭徧
長呼結浮雲埋沒顧榮扇他日觀軍容投壺接高宴

楊齊賢曰唐鄂州江夏郡治江夏縣黃鶴樓在郡城
之東南與漢陽縣大別山相望止隔一水陸放翁入
蜀記鄂州西與漢陽相對止隔一水人物草木可數
三國志太祖以陳琳阮瑀為司空軍謀祭酒管記室
軍國書檄多琳瑀所作戰國策燕將攻聊城人或讒
之燕將懼誅遂保守聊城不敢歸田單攻之歲餘士
卒多死而聊城不下魯連乃為書約之矢以射城中
遺燕將燕將因罷兵倒鞬而去故解齊國之危救百
姓之死仲連之說也精衛啣西山木石以填東海詳
見一卷大鵬賦註唐六典凡諸道行軍皆給鼓角通

典軍城及野營行軍在外日出日沒時搥鼓千槌三百三十三槌為一通鼓音止角音動吹十二聲為一疊角音止鼓音動如此三角三鼓而昏明畢史記樓船十萬師應劭曰作大船船上施樓故曰樓船晉書陳敏率萬餘人將與甘卓戰未獲濟顧榮以白羽扇揮之敏眾潰散後漢書祭遵為將軍取士皆用儒術對酒設樂必必雅歌投壺必

早春寄王漢陽

聞道春還未相識走傍寒梅訪消息昨夜東風入武

昌一作陌頭楊柳黃金色碧水浩浩雲茫茫美人不

來空斷腸預拂青山一片石與君連日醉壺觴

大江上寄巴東故人唐時巴東郡即歸州也隸山南東道

漢水波浪遠巫山雲雨飛東風吹客夢西落此中時

覺後思白帝佳人與我違瞿塘饒賈客音信莫令希

漢水巫山白帝瞿塘俱見前註楊齊賢曰白帝城在

夔州瞿塘關山上下駮澗瀕堆一統志白帝城在四

川夔州府治東公孫述據蜀自出文獻通考直隸州

稱白帝更號魚復曰白帝城人論云限說之不實也

江土寄元六林宗

霜落江始寒楓葉綠未脫客行悲清秋永路苦不達

滄波眈川汜白日隱天末停棹依林巒驚猿相叫聒

夜分河漢轉起視溟漲闊涼風何蕭蕭流水鳴活活

浦沙淨如洗海月明可掇蘭交空懷思瓊樹詎解渴

昂哉滄洲心歲晚庶不奪幽賞頗自得興遠與誰豁

陸雲詩永路隔萬里爾雅水決復入爲汜邢昺疏凡水決之岐流復還大水者名汜說文汜水別復入水

也一曰汜窮瀆也江淹詩白日隱寒樹謝莊月賦氣
霽地表雲斂天末曹植上責躬應詔詩表夜分而寢
張銑註夜分夜半時也謝靈運詩溟漲無端倪詩國
風北流活活廣韻活活水流聲韻會浦水濱也風土
記云大水有小口別通曰浦魏武帝詩明明如月如
何可掇李善註掇拾取也李嶠詩桂友尋東閣蘭交
聚北堂李陵詩思得瓊樹枝以
解長渴飢○汜音祀活音括

寄從弟宣州長史昭

爾佐宣城蕭本作州郡守官清且閑常誇雲月好邀我敬

亭山五落洞庭葉三江游未還相思不可見嘆息損

朱顏唐官制每州有長史一人位在別駕之下司馬

江南西道唐書宣州宣城縣有敬亭山楚辭洞庭波
兮木葉下水經註巴陵城跨岡嶺瀆阻三江巴陵西

對長洲其洲南廢湘浦北對大江故曰三江也三水
所會亦或謂之三江口矣一統志三江在岳州府城

下岷江為西江澧江為中江
湘江為南江皆會於此故名

涇溪東亭寄鄭少府諤

一統志賞溪在寧國府涇縣西一名涇溪源出

石埭支流出太平縣流至涇縣南陵宣城喻蕪湖入於江○涇音京

我遊東亭不見君沙上行將白鷺群白鷺閑

蕭本作行時

散飛去又如雪點青山雲欲往涇溪不辭遠龍門蹙

波虎眼轉杜鵑花開春已闌歸向陵陽釣魚晚

江南通志

龍門山在寧國府太平縣西北四十里林麓幽深巖壁峭拔中有石竇若門產茶及諸藥草虎眼轉謂水波旋轉有光相映若虎眼之光劉禹錫詩汁水東流虎眼文是也杜鵑花一名紅躑躅一名山石榴一名映山紅處處山谷有之高二三尺春時藥葉齊出一枝數萼花色紅麗二三月中徧滿山谷爛然若火入夏方歇韻會闌晚也太平寰宇記陵陽山在涇縣西南百三十里石埭縣北三里按輿地志陵陽令竇子

明於溪側釣魚一日釣得白龍子明懼而放之又數
年釣得一白魚剖其腹中乃有書教子明服餌之術
三年後白龍來迎子明遂得上昇
溪環遶山足今有仙壇祭醮不絕

宣城

蕭水作州

九日聞崔四侍御與宇文太守遊敬

亭余時登響山不同此賞醉後寄崔侍御二首

潛確居類書響山在宣城縣當鰲峰之前兩崖對峙下瞰響潭潭上有釣臺

前兩崖對峙下瞰響潭潭上有釣臺

九日茱萸熟插鬢傷早白登高望山海滿目悲古昔
遠訪投沙人因爲逃名客故交竟誰在獨有崔亭伯
重陽不相知載酒任所適手持一枝菊調笑二千石
日暮岸幘歸傳呼隘阡陌彤襜雙白鹿賓從何輝赫
夫子在其間遂成雲霄隔良辰與美景兩地方虛擲

晚從南峰歸蘿月下
水壁却登郡樓望松色寒轉碧

咫尺

一作望美

不可親棄我如遺鳥

藝文類聚風土記曰菜黃椹也九月九日

熟色赤可採時也太平御覽風土記曰九月九日律中無射而數九俗尚此日以茱萸氣烈成熟可折其房以插頭言辟惡氣而禦初寒投沙用賈誼謫長沙事以諭崔四侍御見十卷贈崔秋浦註後漢書崔駰字亭伯涿郡平安人博學有偉才盡通古今訓詁百家之言善屬文少游太學與班固傅毅同時齊名晉書劉隗岸幘大言意氣自若胡三省曰岸幘幘微脫額也毛詩正義以幘障車之旁如裳為容飾故或謂之幘裳或謂之童容其上有蓋四旁垂而下謂之幘章懷太子後漢書註襜帷也車上施帷以屏蔽者白帖刺史彤幘皂蓋朱幘謝承後漢書鄭弘為臨淮太守行春有兩白鹿隨車夾轂而行謝靈運詩序天下良辰美景賞心樂事四者難并盧照鄰五悲文蘿月寡色風泉罷聲古詩不念攜手好棄我如遺跡

其二

九卿天上落五馬道傍來列戟朱門曉褰帷碧帳繆本

作開登高望遠海名客得英才紫綬繆本作歡情洽絲謨

黃花逸興催山從圖上見溪卽一作鏡中迴遙羨重

陽作應過戲馬臺周弘正詩將軍天上落童子棄繻

書唐制三品以上門皆列棨戟後漢書賈琮為冀州

刺史舊典傳車驂駕垂赤帷裳迎於州界及琮之部

升車言曰刺史當遠視廣聽糾察美惡何有反垂帷

裳以自掩塞乎乃命御者塞之百僚聞風自然竦震

唐制二品三品得服紫綬詳見五卷註太平寰宇記

戲馬臺在彭城縣南三里項羽所築戲馬於此宋武

北征至彭城遣長史王虞等立第舍於項羽戲馬臺

起齋作閣橋度池重九日公引賓佐登此臺令將佐

百僚賦詩以觀志作者百餘人獨謝靈運詩最工云

季秋邊朔苦旅雁違霜雪淒淒陽卉腓皎皎寒潭潔

良辰感聖心雲旗興暮節鳴笳辰朱宮蘭扈獻時哲

餞宴光有孚和樂隆所缺云云太白詩意蓋謂崔侍

御重陽之作過於謝公戲馬臺之詩也

寄崔待御

宛溪霜夜聽猿愁去國長如

繆本作爲

不繫舟獨憐一雁

飛南海却羨雙溪解北流高人屢解陳蕃榻過客難

登謝朓樓

蕭本作舟

此處別離同落葉明朝分散敬亭秋

宛溪在寧國府城東雙溪以二水合流而名環遶寧國府城而北去敬亭山在寧國府城北俱見前註賈誼服賦汎兮若不繫之舟江南通志謝公樓在寧國府城內郡治之後因山爲基卽謝朓爲宣城太守時之高齋地一名北樓唐咸通間刺史獨孤霖改建易名壘嶂樓後漢書徐穉傳陳蕃爲太守以禮請署功曹穉不就之旣謂而退蕃在郡不接賓客唯穉來特設一榻去則懸之

涇溪南藍山下有落星潭可以卜築余泊舟石

上寄何判官昌浩

江南通志涇溪在秦國府涇縣西南一里一名賞溪其源

有三一出石埭縣舒姑泉一出太平黃山一出績溪下有賞溪橋沙堤其西為新河藍山在涇縣西五十里高千仞李白詩藍岑聳天壁突兀如鯨額卽此落星潭在涇縣西五十里藍山下晉有陳霸兄弟摘魚於此見一星落潭中故名

藍岑聳

繆本作竦

天壁突兀如鯨額奔蹙橫澄潭勢吞落

星石沙帶秋月明水搖寒山碧佳境宜緩棹清輝能

畱客恨君阻歡游使我自驚惕所期俱卜築結茅鍊

金液

宋之問詩崖口衆山斷嶽峯聳天壁木華海賦橫海之鯨突杙孤游李善註突杙高貌謝靈運

詩山水含清暉清暉能娛人鮑照詩結茅野中宿鍊金液詳見十三卷寄王屋山人孟大融註

早過漆林渡寄萬巨

西經大藍山南來漆林渡水色倒空青林烟橫積素

漏流昔吞翁沓浪競奔注潭落天上星龍開水中霧

曉繆本作巉巖注公柵突兀陳焦墓嶺峭紛上千川明屢

迴顧因思萬夫子解渴同瓊樹何日覩清光相歡詠

佳句落星潭見上首註胡震亨曰注公疑是左公隋末左難當築城柵拒輔公祐於涇與大藍山近

江南通志晉陳焦墓在涇縣五城山左三國志永安

四年安吳民陳焦埋之六日更生穿土中出按安吳

縣名舊屬宣城郡隋時併入涇縣子虛賦交錯糾紛

上于青雲宋之間詩放溜覲前激連山紛上于李陵

詩思得瓊樹枝以解長渴飢

遊敬亭寄崔侍御

一作登古城望府中奉寄崔侍御

我家敬亭下輒繼謝公作

一作我登謝公樓輒繼敬亭作

相去數百

年風期宛如昨登高素秋月一作高城素秋日下望青山郭

俯視鴛鷺群一作府中鴻鷺群飲啄自鳴躍夫子雖蹭蹬瑤

臺雪中鶴獨立窺浮雲其心在寥廓時來一顧我笑

飯葵與藿一作時來顧我笑一作飯與葵藿世路如秋風相逢盡蕭索

腰間玉具劍意許無遺諾一作願為經冬柏不逐大霜落又玉具劍繆本作玉

劍壯士不可輕一作疎相期在一作隨集雲閣元和郡縣志敬亭山在宜

州宣城縣北十二里卽謝朓賦詩之所朓詩云茲山亘百里合沓與雲齊隱淪旣已託靈異居然棲上于

蔽白日下屬帶回谿交藤荒且蔓樛枝聳復低云云韻會蹭蹬困頓也漢書焦明已翔於寥廓顏師古註

寥廓天上寬廣之處李善文選註寥廓高遠也陸機詩取笑葵與藿魏文帝詩秋風蕭瑟天氣涼漢書賜

以玉具劍孟康註標首鐔衛盡用玉爲之顏師古註鐔劍口旁橫出者也衛劍鼻也意許無遺諾用延陵

季子事已見十二卷註十六國春秋振綴雲閣耀價
連城梁元帝與蕭摠書握蘭雲閣解紱龍樓雲閣猶
雲臺也

三山望金陵寄殷淑

太平寰宇記三山在昇州江寧縣西南五十七里周

回四里其山孤絕面東西絕大江與地志云其
山積石濱於大江有三峰南北接故曰三山舊
爲吳津所謝玄暉晚登三山還望京邑詩云瀟
澨望長安河陽視京縣白日鹿飛薨參差皆可
見餘霞散成綺澄江靜如練卽此地也

三山懷謝朓水澹

一作綠水

望長安燕沒河陽縣秋江正

北看盧龍霜氣冷鳩鵲月光寒耿耿憶瓊樹天涯寄

一歡

太平寰宇記盧龍山在昇州上元縣西北二十
里周迴五里西臨大江按舊經晉元帝初渡江

北地盡爲虜寇所有以其山連石頭爲固關塞以盧
龍名焉六朝事跡盧龍山圖經云在城西北十六里

周迴五里高三十六丈東有水下注平陸西臨大江
舊經云晉元帝初渡江到此見嶺山連縣接石頭城
真江上之關塞似北地盧龍因以爲名一統志獅子
山在應天府西二十里與馬鞍山接晉元帝初渡江
見此山綿連以擬北地盧龍山故易名盧龍山鷓鴣
樓名詳見八卷永王東巡歌註瓊樹已見前二首註

自金陵泝流過白壁山翫月達天門寄句容王

王簿江南通志白壁山在太平府城北三十里

白壁山而有白壁水蓋字誤也太平府志白壁

山一名石壁在郡治北二十五里化洽鄉濱江

三峰中拔起如壁有石似龜狀俗名龜山傳言

上有白玉采之者衆遂絕李白與崔宗之乘舟

月夜自金陵泝流過白壁山玩月白衣官錦袍

坐舟中兩岸觀者如堵白笑傲自若旁若無人

今按白詩秋月照白壁皓如山陰雪十字殆不

可方真興會所到也一統志天門山在太平府

城西南三十里二山夾大江東曰北望西曰梁

山對峙如門亦名蛾眉山又曰東梁山西梁山

唐書地理志江南東道昇州江寧郡有句容縣
唐制每縣設主簿一人九品官京縣則二人八

官品

滄江沂流歸白壁見秋月秋月照白壁皓如山陰雪

幽人停宵征賈客忘早發進帆天門山迴首牛渚沒

川長信風來日出宿霧歇故人在咫尺新賞成胡越

寄君青蘭花惠好庶不絕廣韻沂逆流而上也世說

覺開室命酌酒四望皎然詩國風蕭蕭宵征一統志

牛渚山在太平府城北二十五里下有磯曰牛渚磯

去采石磯近一里舊為險要脩禦之地亦名燃犀浦

鮑照詩洲迴風正悲江寒霧未歇陶弘景答謝中書
書曉霧將歇裊鳥亂鳴胡地在北越地在南成胡越
蓋言其隔遠而不能相見之意後漢紀形神不接雖
兄弟親戚可
全之於吳越

寄上吳王三首

按唐書吳王祗太宗第三子吳王恪之孫張掖郡王琨之子襲

封嗣吳王出為東平太守安祿山反河南陳雷

榮陽靈昌相繼陷祗募兵拒戰哀宗壯之累遷

陳雷太守持節河南道節度採訪使歷太僕

宗正卿其為廬江太守無考蓋史失載也

淮王愛八公攜手綠雲中小子忝枝葉亦攀丹桂叢

謬以詞賦重而將枚馬同何日背淮水東之觀土風

神仙傳淮南王劉安好方術之士於是八公詣門

皆鬚眉皓白門吏先密以白王王使閤人自以意難

問之曰我王上欲求延年長生不老之道今先生年

已耆矣似無駐衰之術八公笑曰聞王尊禮賢士故

遠致其身何以年老而逆見嫌耶王必若見年少則

謂之有道皓首則謂之庸叟薄吾老今則少矣言未

竟八公皆變為童子年可十四五角髻青絲色如桃

花門吏大驚走以白王王聞之足不履跣而迎登思

仙之臺執弟子之禮北面叩首八童子乃復為老人

後雷被伍被誣告稱安謀反天子使宗正持節治之

八公曰可以去矣卽白日升天八公與安所踏山石
皆陷成跡左傳公族公室之枝葉也楊齊賢曰太白
興聖皇帝九世孫與唐同出故云忝枝葉淮南王招
隱士攀援桂枝兮聊淹畱沈約詩岸側青莎被巖間
丹桂叢南方草木狀桂有三種葉如柏葉皮赤者爲
丹桂葉似柚葉者爲菌桂葉似枇杷葉者爲牡桂鄒
陽諫吳王書臣所以歷數王之朝背淮千里而自致
者非惡臣國而樂吳民也竊高下風之行尤說大王
之義

其三

坐嘯廬江靜閑聞進玉觴去時無一物東壁挂胡牀

後漢書南陽太守成瑨委公曹岑暉郡爲謠曰南陽
太守岑公孝弘農成瑨但坐嘯唐廬江郡卽廬州也
隸淮南道傅毅舞賦溢金罍而列玉觴李善註玉觴
玉爵也三國志註魏畧曰裴潛爲兗州時嘗作一胡
牀及其去也
畱以挂柱

其三

英明廬江守聲譽廣平籍灑掃繆本作黃金臺招邀

青雲客客曾與天通出入清禁中襄王憐宋玉願入

蘭臺宮

謝朓詩廣平聽方籍李善註王隱晉書曰郭表為中郎散騎常侍會廣平太守缺宣帝謂

表曰賢叔大匠渾垂稱於平陽魏郡蒙惠化且盧子

家王子邕繼踵此郡欲使世不乏賢故復相屈在郡

先以德化善為條教百姓愛之上谷郡圖經黃金臺

在湯水東南十八里燕昭王置千金於臺上以延天

下之士三輔黃圖漢宮中謂之禁中謂宮中門閣有

禁非侍衛通籍之臣不得妄入宋玉風賦楚襄王游

於蘭臺之宮

宋玉景差侍

李太白文集卷十四